

**11/24 мая 2020 года**

**НЕДЕЛЯ 6-я по ПАСХЕ, о слепом.**

**Равноап. Мефодия и Кирилла.**

**Последование всенощного бдения  
для домашнего (келейного) совершения**

### **ВЕЧЕРНЯ**

Молитвами святых отец наших, Господи Иисусе Христе, Боже наш, помилуй нас.

**Христос воскрес из мертвых, смертию смерть поправ и сущим во гробех живот даровав. Трижды.**

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Господи, помилуй, 12.**

**Слава, и ныне:**

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

## ПСАЛО́М 103

**Стихи́ избранныи:** Благословí, душе́ моя, Гóспода. / Благословén еси́, Гóсподи. / Гóсподи, Бóже мой, возвели́чился еси́ зело́. / Благословén еси́, Гóсподи. / Во исповéдание и в велелéпоту / облéклся еси́. Благословén еси́, Гóсподи. / Посредé гор прóйдут вóды. / Дíвна дела́ Твоя́, Гóсподи. / Вся премúдростию сотворíл еси́. / Сла́ва Ти, Гóсподи, сотворíвшему вся.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бóже. **Трижды.**

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бóже. **Трижды.**

Гóсподи, помíлуй. **12.**

Сла́ва, и ны́не:

**Пéрвая кафíсма**

**Либо поем:** Стихи́ избранныи:

Блажén муж, íже не íде на совет нечестíвых. Аллилу́иа, **трижды.**

Яко́ весть Госпóдь путь прáведных, и путь нечестíвых погíбнет. Аллилу́иа, **трижды.**

Рабо́тайте Гóсподеви со стра́хом и ра́дуйтеся Емú с трéпетом. Аллилу́иа, **трижды.**

Блажéни вси надéющиися Нань. Аллилу́иа, **трижды.**

Воскресни́, Гóсподи, спасí мя, Бóже мой. Аллилу́иа, **трижды.**

Госпóдне есть спасéние, и на лю́дех Твои́х благословéние Твоé. Аллилу́иа, **трижды.**

Сла́ва, и ны́не: Аллилу́иа, аллилу́иа, аллилу́иа, сла́ва Тебе́, Бóже. **Трижды.**

Гóсподи, помíлуй. **Трижды.**

Сла́ва, и ны́не:

**Либо читаем:** кафíсму 1-ю (1-ю статью)

**Псалом 1**

Блажén муж, íже не íде на совет нечестíвых и на путí грéшных не ста, и на седáлищи губíтелей не седе, но в закóне Госпóдни во́ля егó, и в закóне Егó поучíтся день и ночь. И бúдет я́ко дре́во насаждéнное при исхóдищих вод, éже плод свой даст во врéмя своé, и лист егó не отпадéт, и вся, ели́ка áще творíт, успéет. Не та́ко нечестíвии, не та́ко, но я́ко прах, егóже

возметаёт ветер от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

### Псалом 2

Вскую шаташася языцы, и людие поучишася тщетным? Предсташа царие земстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеётся им, и Господь поругается им. Тогда возглаголет к ним гневом своим и яростию Своею смятёт я. Аз же поставлен есмь Царь от Него над Сионом, горю святою Его, возвещая повеление Господне. Господь рече ко Мне: Сын Мой еси Ты, Аз днесь роди́х Тя. Проси́ от Мене́, и дам Ти языки достояние Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумейте, накажитесь вси судящии земли. Работайте Господеви со страхом и радуйтеся Ему с трепетом. Примите наказание, да не когда прогневаётся Господь и погибнете от пути праведнаго, егда возгорится вскоре ярость Его. Блажени вси надеющиеся Нань.

### Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Господи, помилуй. **Трижды.**

Слава, и ныне:

**И абие**

**Господи, возвах, глас 5-й.**

Господи, возвах к Тебе, услыши мя. Услыши мя, Господи.

Господи, возвах к Тебе, услыши мя: вонми гласу моления моего, внегда воззвати ми к Тебе. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

*(в приходской практике пропускается до стихир)* : Положи́, Го́споди, хране́ние усто́м мо́им, и дверь огражде́ния о устна́х мо́их. Не уклони́ се́рдце моё в словеса́ лука́вствия, непщевáти вины́ о гресéх, с челове́ки де́лающими беззакóние, и не сочту́ся со избра́нными их. Накáжет мя пра́ведник мýлостью и обличíт мя, елéй же грéшнаго да не нама́стит главы́ моея́, я́ко ещé и моли́тва моя́ во благоволе́ниях их. Пожéрты б́ыша при ка́мени судий их: услы́шатся глаго́ли мо́й, я́ко возмо́гоша. Я́ко то́лща земли́ просéдеса на земли́, расточи́шася ко́сти их при áде. Я́ко к Тебе́, Го́споди, Го́споди, о́чи мо́й: на Тя упова́х, не отыми́ ду́шу мою́. Сохрани́ мя от се́ти, ю́же соста́виша ми, и от собла́зн де́лающих беззакóние. Паду́т во мре́жу свою́ грéшницы: еди́н есмь аз, до́ндеже прейдú.

Гла́сом мо́им ко Го́споду воззва́х, гла́сом мо́им ко Го́споду помолíхся. Пролию́ пред Ним моле́ние моё, печа́ль мою́ пред Ним возвещú. Внегда́ исчеза́ти от мене́ ду́ху моему́: и Ты позна́л еси́ стезы́ моя́: на пу́ти сем, по нему́же хождáх, скры́ша сеть мне. Смотря́х одесну́ю и взгля́дах, и не бе зна́йя мене́: поги́бе бéгство от мене́, и несть взыска́йя ду́шу мою́. Воззва́х к Тебе́, Го́споди, рех: Ты еси́ упова́ние моё, часть моя́ еси́ на земли́ живы́х. Вонми́ моле́нию моему́, я́ко смири́хся зело́, изба́ви мя от гоня́щих мя, я́ко укрепíшася па́че мене́.

**Стихи́ры воскрeсныe, глас 5:**

**На 10:** Изведи́ из темни́цы ду́шу мою́, // испове́датися и́мени Твоему́.

**Честным Твоим Крестом, Христе́, / диáвола посрамил еси́, / и Воскресением Твоим жало грехóвное притупил еси́, / и спасл еси́ ны от врат смéртных: // сла́вим Тя, Единорóдне.**

Мене́ ждут пра́ведницы, // до́ндеже возда́си мне.

**Воскресение дайй рóду челове́ческому, / я́ко овча́ на заколе́ние ведéся, / устраши́шася сегó кня́зи áдстии, / и взя́шася врата́ плачéвная. / Вни́де бо Царь сла́вы Христóс, / глаго́ля сýщим во úзах, изыди́те: // и сýщим во тьме, открый́теся.**

**На 8:** Из глубины́ воззва́х к Тебе́, Го́споди, // Го́споди, услы́ши глас мой.

**Вéлие чúдо, / невидимых Содéтель, за человеколю́бие плóтию пострада́в, / воскрeсе Безсмéртный. / Прииди́те отéчества язы́к, Тому́ поклонимся: / благоутрóбием бо Егó от прéлести изба́вльшеся, // в Триех Ипостáсах Еди́наго Бóга пéти навькóхом.**

**Стихи́ры Триоди (о слeпóм), глас 2, самогласны:**

Да бúдут úши Тво́й // внемлюще гла́су моле́ния моего́.

**Слепый роди́выйся, в своём по́мысле глаго́лаше: / еда́ аз грех ра́ди**

**родітельных родіхся без óчию,/ еда́ аз за неvéрие языков родіхся во обличéние?/ Не домышля́юся вопроша́ти,/ когда́ ночь, когда́ день?/ Не терпѣта ми нóзе ка́меннаго претыка́ния,/ не вѣдех бо со́лнца сия́юща,/ ниже́ во óбразе менé Созда́вшаго./ Но молю́ Ти ся Христе́ Бо́же,// прѣзри на мя и помѣлуй мя.**

**На 6:** **А́ще беззакóния на́зриши, Го́споди, Го́споди, кто постои́т? Яко у Тебе́ очищéние есть.**

**Слепый́ родивы́йся, в своéм по́мысле глаго́лаше:/ еда́ аз грех ра́ди родітельных родіхся без óчию,/ еда́ аз за неvéрие языков родіхся во обличéние?/ Не домышля́юся вопроша́ти,/ когда́ ночь, когда́ день?/ Не терпѣта ми нóзе ка́меннаго претыка́ния,/ не вѣдех бо со́лнца сия́юща,/ ниже́ во óбразе менé Созда́вшаго./ Но молю́ Ти ся Христе́ Бо́же,// прѣзри на мя и помѣлуй мя.**

**И́мене ра́ди Твоего́ потерпéх Тя, Го́споди, потерпé душá моя́ в сло́во Твое́, упова́ душá моя́ на Го́спода.**

**Мимоходя́ Иисус от святи́лища,/ обрете́ челове́ка слéпа от рождéния,/ и умилосéрдився положи́ брéние на óчию его́, и рече́ к нему́:/ иди́ умыйся в Силоáме,/ и умывся прозрe, сла́ву возсыла́я Бо́гу./ Сосéди же его́ глаго́лаху ему́:/ кто твои́ зéницы отвeрзе,/ ихже никто́же от зря́щих исцелѣ́ти возмо́же?/ Он же возопѣв, рече́:/ Челове́к Иисус глаго́лемый,/ Он ми рече́, умыйся в Силоáме, и прозрeх./ Той есть вои́стинну,/ Его́же рече́ Моисе́й в закóне, Христа́ Мессѣю:// Той есть Спас душ на́ших.**

**Стихиры святых, глас 2, подобен: «Кѣими похвáльными венцы́...»:**

**На 4:** **От стра́жи у́тренния до нóщи, от стра́жи у́тренния да упова́ет Изра́иль на Го́спода.**

**Кѣими похвáльными венцы́/ увязeм Богомудрыя учѣтели,/ язы́ки словeнскія, во тьме неvéдения и сeни смeртней седя́щая,/ свeтом Евáнгелия просветѣвша́я,/ Трoицы Единосу́щныя велегласныя проповeдники./ И́миже и мы, я́ко дѣвѣи́я ма́слина,/ к благоплóдному кóрени Правослáвия прицепѣхомся// и прияхом от Христа́ Бо́га мир и вeлию мѣлость.**

**Я́ко у Го́спода мѣлость, и мно́гое у Него́ избавлeние, и Той избáвит Изра́иля от всех беззакóний его́.**

**Кѣими похвáльными пeсньми/ ублажѣм Богомудрыя учѣтели,/**

Мефóдия пустыннолю́бнаго,/ в безмо́лвием пребыва́нии пло́ды Ду́ха обогати́вшася,/ и Кири́лла златоглаго́ливаго,/ раче́нием любому́дрия Го́рнюю премúдрость стяжа́вшаго/ и бу́иих мудреце́в ага́рянских суесло́вие посрамíвшаго./ Ихже ра́ди Христóс Бог наш// дарова́ и нам ве́лию ми́лость.

**На 2:** Хвалíte Го́спода вси язýцы, похвалíte Егó вси лю́дие.

**Кíими пёсненными добрóтами/ восхва́лим Богому́дрыя учíteли,/ Мефóдия, вся краса́я ми́ра любве́ ра́ди Христóвы презре́вшаго/ и во а́нгельстем о́бразе Небе́сному Царю́ крёпко вои́нствовавшаго,/ и Кири́лла, от о́трочества премúдрость в сожítие себе избра́вшаго/ и от Бо́га да́нныя талáнты во сла́ву Егó усугуби́вшаго./ Ёмиже и мы Присносу́щную Трёицу, Отца́ и Сы́на и Свята́го Ду́ха,/ Еди́наго Бо́га позна́вше,// íмамы от Христá Бо́га ве́лию ми́лость.**

**Я́ко утверди́ся ми́лость Егó на нас, и íстина Господня пребывáет во век.**

**Кíими духо́вными пёсньми/ возвели́чим вас,/ о преблаже́нии учíteлие,/ спасе́ния ра́ди люде́й словéнских апо́стольски подвижа́вшаися,/ и в просвеще́нии их све́том Боговёдения до́бре потрудíвшаися,/ к нему́же дверь затворённая/ ва́ми писме́н словéнских изобре́тением отве́рзеса нам?/ В ню́же входя́ще,/ та́инство благовёстия Христóва разумева́ем// и прие́млем от Христá Бо́га мир и ве́лию ми́лость.**

**Сла́ва, Стихи́ра Трои́ди (о слепо́м), глас 5:**

**Го́споди, мимоходя́ путём,/ обрёл еси́ челове́ка сле́па от рождéния,/ и удиви́ени б́ывше учени́цы, вопроша́ху Тя глаго́люще:/ Учíteлю, кто согреши́: сей ли,/ или́ родíteли егó, да слеп роди́ся?/ Ты же Спа́се мой возопíл еси́ к ним:/ ни сей согреши́, ни родíteли егó,/ но да яв́ятся дела́ Бо́жия на нем./ Мне подобáет дёлати дела́ Посла́вшаго Мя,/ я́же никто́же мо́жет дёлати./ И сия́ рек, плю́нув до́лу, и брeние сотво́рь,/ пома́зал еси́ о́чи егó, рек к нему́:/ иди́, умы́йся в Силоа́мстей купéли./ Он же умы́вся здрав бысть, и вопия́ше к Тебе́:/ ве́рую Го́споди, и поклонíся Тебе́.// Те́мже вопие́м и мы, помíлуй нас.**

**И ны́не, Богородичен догматик, глас 5:**

**В Чермне́м мо́ри,/ Неискусобра́чныя Невёсты о́браз написáся иногда́./ Та́мо Моисéй, разделíteль воды́:/ zde же Гаври́йл, служíteль чудесе́./ Тогда́ глубинú шéствова немóкрено Изра́иль;/ ны́не же Христá роди́**

**безсе́менно Дéва./ Мóre по прошéствиИ Изра́илеве пребы́ть непроходно;/ Непорóчная по Рождествé Эмману́илеве пребы́ть Нетлénна./ Сый, и прэ́жде Сый,/ явлéйся, я́ко Человéк,// Бóже помíлуй нас.**

### **Свете тихий**

Свéте тíхий свята́я сла́вы, Безсме́ртнаго, Отца́ Небе́снаго, Свята́го Блаже́ннаго, Иису́се Христé. Прише́дше на за́пад со́лнца, ви́девше свет вечерний, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пёт бы́ти гла́сы преподо́бными, Сы́не Бо́жий, живо́т дай, те́мже мир Ты сла́вит.

### **ПРОКЇМЕН, ГЛАС 6:**

Госпо́дь воца́рися, в ле́поту облече́ся.

**Стих:** Облече́ся Госпо́дь в си́лу и препоя́сая.

Госпо́дь воца́рися, в ле́поту облече́ся.

**Стих:** Ё́бо утверди́ вселéнную, я́же не подви́жится.

Госпо́дь воца́рися, в ле́поту облече́ся.

**Стих:** До́му Твоему́ подобáет свята́ня, Го́споди, в долготу́ дней.

Госпо́дь воца́рися, в ле́поту облече́ся.

### **Притчей чтение.**

*(Из глав 10 и 8:)*

Па́мять пра́веднаго с похвала́ми,/ и благослове́ние Госпо́дне на главе́ его́./ Блаже́н человек, и́же обре́те премудро́сть,/ и сме́ртен, и́же уве́де ра́зум./ Лу́чше бо сию́ купова́ти, неже́ли злата́ и серебра́ сокрови́ща./ Честне́йшая же е́сть ка́мений многоце́нных,/ все же честно́е недостóйно е́я е́сть./ Долгота́ бо дней и ле́та живо́та в десни́це е́я,/ в шу́йце же е́я бога́тство и сла́ва,/ от уст е́я исхо́дит пра́вда,/ зако́н же и ми́лость на язы́це но́сит./ Послу́шайте у́бо мене́, о ча́да!/ честна́я бо реку́,/ и блаже́н человек, и́же пути́ моя́ сохра́нит, исхо́ди бо мой исхо́ди живо́та/ и уготовля́ется хоте́ние от Го́спода./ Сего́ ра́ди молю́ вас/ и предлагаю́ мой глас сыновóм челове́ческим,/ я́ко аз, премудро́сть, устро́их совет,/ и ра́зум, и смысл аз призва́х./ Мой совет и утвержде́ние,/ мой ра́зум, моя́ же кре́пость./ Аз мене́ лю́бящая люблю́,/ и́щущии же мене́ обря́щут благода́ть./ Разуме́йте убо, незло́бивии, кова́рство,/ ненака́занныи же, прилага́йте серде́ца./ Послу́шайте мене́ и па́ки,/ честна́я бо реку́, и отве́рзу от усте́н пра́вая,/ я́ко и́стине поучи́тся горта́нь моя́,/ ме́рзки же предо мно́ю устны́ лживы́я./ С

пράвдою вси глаголы уст моѣх,/ ничтоже в них стрѣпотно, ниже  
развращенно./ Вся права суть разумевающим/ и прѣста обретающим  
разум./ Научаю бо вас истине,/ да будет о Господе надежда  
ваша,/ и исполнитесь Духа.

### Притчей чтеніе.

*(Из глав 10 и 11:)*

Уста праведнаго каплот премудрость,/ язык же неправеднаго  
погибнет./ Устне мужей праведных каплот благодати,/ уста же  
нечестивых развращаются./ Мерила льстивая мерзость пред Господем,  
вес же праведен приятен Ему./ Идѣже аще внидет досаждение,  
тамо и безчестіе,/ уста же смиренных поучаются премудрости./  
Совершение правых наставит их,/ и поползновение отрицающихся упасет  
их./ Не пользуют имения в день ярости,/ правда же избавит от смерти./  
Умер праведный, остави раскаяние,/ наручна же бывает и посмеятельна  
нечестивых пагуба./ Правда непорочнаго исправляет пути,/ в нечестіе же  
падает неправда./ Правда мужей правых избавит их,/ безсовѣтием же  
плениются беззаконнии./ Скончавшуся мужу праведну,/ не погибнет  
надежда,/ похвала же нечестивых погибнет./ Праведник от лова убежит,  
в негоже место предается нечестивый./ Во устѣх нечестивых сеть  
гражданом,/ чувство же праведных благоспешное./ Во благих праведных  
исправится град,/ и в погибели нечестивых радование./ Во благословении  
правых возвысится град,/ усты же нечестивых раскопается./ Ругается  
гражданом лишенный разума,/ муж же мудрый безмолвие водит.

### Премудрости Соломѣни чтеніе.

*(Из главы 4:)*

Праведник аще постигнет скончаться, в покое будет./ Старость бо  
честна не многолетна,/ ниже в числѣ лет исчитается./ Седина же есть  
мудрость человеком,/ и возраст старости житие нескверное./ Благоугоден  
Богов и быв, возлюблен бысть/ и живый посреде грешник прѣставлен  
бысть,/ восхищен бысть, да не злоба изменит разума его/ или лѣсть  
прельстит душу его./ Рачение бо злобы помрачает добрая/ и парение  
пѣхоти пременяет ум незлобив./ Скончався в малѣ, исполни лета долга,  
угодна бо бе Господеву душѣ его,/ сего ради потщася от среды  
лукавствія./ Людие же видевше, и не разумеюще,/ ниже положше в  
помышлении таковыѣ,/ яко благодать и милость в преподобных Его,/ и  
посещение во избранных Его.

**Гóсподи, помíлуй. 40.**

**Слáва, и ны́не:**

**СПОДОБИ, ГОСПОДИ**

Сподóби, Гóсподи, в вéчер сей без грехá сохранíтися нам. Благословéн еси́, Гóсподи Бóже отéц нáших, и хвáльно и прослáвлено íмя Твое́ во вéки, амíнь.

Бúди, Гóсподи, мíлость Твоя́ на нас, я́коже упováхом на Тя. Благословéн еси́, Гóсподи, научí мя оправдáнием Твоím. Благословéн еси́, Влады́ко, вразумí мя оправдáнием Твоím. Благословéн еси́, Святы́й, просветí мя оправдáнии Твоими́.

Гóсподи, мíлость Твоя́ во век, дел рукú Твоею́ не прéзри. Тебé подобáет хвалá. Тебé подобáет пéние, Тебé слáва подобáет, Отцú и Сы́ну и Свято́му Дúху, ны́не и прíсно и во вéки векóв. Амíнь.

**Гóсподи, помíлуй. 12.**

**Слáва, и ны́не:**

**СТИХИРЫ НА ЛИТИИ:**

**Стихи́ра хра́ма (в домашних условиях она пропускается), затем:**

**Слáва, стихи́ра святы́х, глас 8:**

**Да ра́дуется днесь свéтло не́бо и земля́,/ занé Христóс явíся  
воплоща́емь я́ко Человéк,/ да Ада́ма íзмет от кля́твы всерóдныя,/ и  
удивля́ется чудесы́ Самарíю пришéд:/ женé же предста́ воды́ прося́,  
óблаки вода́ми одева́яй./ Тёмже вси вёрнии поклоня́емся/ нас ра́ди  
волею́ обнищáвшему,// благоутрóбным советом. Я́ко учíteлие  
нелóжнии,/ повелéнная Гóсподем са́ми прéжде сотворше/ и в благода́ти  
апóстольства просия́вше,/ лю́ди словéнския наказáньми к благочéстию  
приведóсте,/ Киры́лле и Мефóдие Богомúдрии,/ невёрныя же па́ки  
вразумíte/ к познáнию вéры Правослáвныя/ и Крещéнием святы́м  
просветíte./ Но úбо пёрвии наста́вницы рóда словéнскаго/ и за́поведей  
Бóжиих хранíteлие,/ спаса́йте нас моли́твами ва́шими,// véрою и  
любо́вию вас в по́мощь призывáющих.**

**И ны́не, стихи́ра Трои́ди (о слепóm), глас 4:**

**Все жити́е слепы́й но́щь помышля́я,/ возопí к Тебé:/ Гóсподи,  
отвёрзи ми зéницы,/ Сы́не Давíдов Спа́се наш,// да со все́ми и аз воспóю  
Твою́ силу.**

**Гóсподи, помíлуй. 40.**

**Слáва, и ны́не:**

**СТИХИРЫ НА СТИХОВНЕ:**

**Стихира воскресная, глас 5:**

**Тебé, Воплощённаго Спáса Христá,/ и Небés неразлучívшася,/ во глáсах пéний велича́ем,/ я́ко Крест и смерть прия́л еси́ за род наш,/ я́ко Человеколюбец Госпóдь,/ испровергий áдова врата́,/ триднёвно воскресл еси́, // спаса́я ду́ши на́ша.**

**Стихиры Пасхи, глас 5.**

**Стих:** Да воскреснет Бог,/ и расточáтся вразí Егó.

**Пáсха/ священная нам днесь показáся;/ Пáсха нóва святáя;/ Пáсха та́инственная;/ Пáсха всечестнáя./ Пáсха Христóс Избáвитель;/ Пáсха непорóчная;/ Пáсха вели́кая;/ Пáсха вёрных./ Пáсха двéри райския нам отверзáющая. // Пáсха всех освящáющая вёрных.**

**Стих:** Я́ко исчезáет дым,/ да исчéзнут.

**Приидíte/ от видéния жены́ благовéстницы,/ и Сиóну рцýте:/ примí/ от нас рáдости благовéщения, Воскресéния Христóва:/ красуйся, ликуй/ и рáдуйся, Иерусали́ме,/ Царя́ Христá узрév из грóба, // я́ко женихá происходя́ща.**

**Стих:** Тáко да погíбнут грéшницы от Лицá Бóжия,/ а прáведницы да возвеселя́тся.

**Миронóсицы жены́,/ úтру глубоку́,/ предста́вша грóбу Живода́вца,/ обретóша А́нгела/ на кáмени седя́ща,/ и той провещáв им,/ сйце глагóлаше:/ что и́щите Живáго с мёртвыми;/ что пла́чете Нетлénнаго во тли? // Шéдше, проповéдите ученикóм Егó.**

**Стих:** Сей день, егóже сотвори Госпóдь,/ возра́дуемся и возвесели́мся в онь.

**Пáсха красная,/ Пáсха, Госпóдня Пáсха!/ Пáсха всечестнáя/ нам возсия. Пáсха,/ рáдостью друг дру́га обы́мем./ О Пáсха!/ Избавлéние скóрби,/ и́бо из грóба днесь,/ я́ко от чертóга/ возсияв Христóс,/ жены́ рáдости испóлни, глагóля:/ проповéдите апóстолом.**

**Слáва, стихи́ра святых, глас 8:**

**Рáдуйся, двóице священная,/ свéтом Богопознáния нас озарívшая:/**

**Кирилле, духовныя мудрости источниче живоносный,/ языки словенския, жажду истаявующия, напоивый,/ Мефодие, молитвы чистое обиталище./ Христу, Емуже во славе предстоит, молитесь прилежно,/ да купно с вами Его величаем/ и превозносим во вся веки.**

**И ныне, стихира Триоди (о слепом), глас 8.**

**Правды солнце мысленное, Христэ Бже,/ из утробы света лишённого,/ Твоим пречистым прикосновением просветившее обоюду,/ и наши очи душевныя озарившее,/ сыны дне покажи,/ да верою вопием Ти:/ многое Твое и неизреченное, еже на нас благоутробие, // Человеколюбче, слава Тебе.**

**Молитва святого Симеона Богоприимца**

**Ныне отпускаеши раба Твоего, Владыко, по глаголу Твоему с миром: яко видеста очи мой спасение Твое, еже еси уготовал пред лицем всех людей, свет во откровение языков, и славу людей Твоих Израиля.**

**Таже:**

**Святый Бже, Святый Крепкий, Святый Безсмертный, помилуй нас. Трижды, и три поклона.**

**Слава Отцу, и Сыну, и Святому Духу, и ныне и присно, и во веки веков. Аминь.**

**Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.**

**Господи, помилуй. Трижды.**

**Слава, и ныне:**

**Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**[Яко Твое есть Царство и сила и слава во веки. Аминь. (Мф. 6: 9-13)]**

**Богородице Дево, радуйся, Благодатная Марие, Господь с Тобю; благословенна Ты в женах, и благословен Плод чрева Твоего, яко Спаса родила еси душ наших. Дважды.**

**Тропарь святых, глас 4:**

**Яко апóстолом единонрáвнии/ и словéнских стран учíteлие,/ Киры́лле и Мефóдие Богомúдрии,/ Влады́ку всех молите,/ вся язы́ки словéнския утверди́ти в Правосла́вии и единомы́слии,/ умири́ти мир/ и спасти́ ду́ши на́ша.**

**Бу́ди И́мя Господне благослове́но от ны́не и до ве́ка. Трижды.**

### **Та́же псалóм 33:**

Благословлю́ Го́спода на всякое вре́мя, вьну хвалá Егó во устéх мойх. О Го́споде похва́лится душá моя, да услы́шат крóтцыи и возвеселя́тся. Возвели́чите Го́спода со мно́ю и вознесём и́мя Егó вку́пе. Взыска́х Го́спода и услы́ша мя, и от всех скорбéй мойх изба́ви мя. Приступите к Немú и просветите́ся, и ли́ца ва́ша не постыда́тся. Сей ни́щий воззва́, и Го́спо́дь услы́ша и́, и от всех скорбéй егó спасе́ и́. Ополчи́тся А́нгел Господень о́крест бо́ящихся Егó, и изба́вит их. Вкуси́те и ви́дите, я́ко благ Го́спо́дь; блаже́н муж, и́же упова́ет Нань. Бо́йтеся Го́спода, вси святи́и Егó, я́ко несть лишéния бо́ящимся Егó. Богáтии обнища́ша и взалка́ша, взыска́ющии же Го́спода не лишáтся вся́каго бла́га.

## **УТРЕНЯ**

**Христóс воскресе́ из мёртвых, смёртию смерть попра́в и сущим во гробéх живóт дарова́в. Трижды.**

### **ШЕСТОПСАЛМИЕ**

Сла́ва в вь́шних Бо́гу, и на земли́ мир, в челове́цех благоволе́ние. Трижды.

Го́споди, устне́ мой отвéрзеши, и уста́ моя́ возвестя́т хвалу́ Твою́. Дважды.

### **Псалом 3**

Го́споди, что ся умно́жиша стужа́ющии ми́? Мно́зи востаю́т на мя, мно́зи глаго́лют души́ мое́й: несть спасéния ему́ в Бо́зе егó. Ты же, Го́споди, Засту́пник мой еси́, сла́ва моя́ и вознося́й главу́ мою́. Гла́сом мо́им ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Го́спо́дь заступит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся враждующы́я ми всúе: зу́бы грéшников сокруши́л еси́. Господне́ есть спасéние, и на лю́дех Твои́х благословéние Твоё.

**Аз усну́х, и спях, воста́х, я́ко Го́спо́дь заступит мя.**

### Псалом 37

Гóсподи, да не я́ростию Твоею обличи́ши мене́, ниже́ гнѣвом Твои́м нака́жеша мене́. Я́ко стрѣлы Твоя́ унзóша во мене, и утверди́л еси́ на мене́ ру́ку Твою́. Нестъ исцелѣния в плóти мое́й от лица́ гнѣва Твоегó, несть мѣра в костѣх моих от лица́ грех моих. Я́ко беззакóния моя́ превзыдóша главу́ мою́, я́ко брѣмя тяжкое отяготѣша на мене. Возсмердѣша и согни́ша раны́ моя́ от лица́ безумия́ моего́. Пострада́х и слякóхся до конца́, весь день сѣтуя́ хожда́х. Я́ко лядвия́ моя́ напо́лнися поругáний, и несть исцелѣния в плóти мое́й. Озло́блен бых и смири́хся до зела́, рыка́х от воздыхáния сѣрдца́ моего́. Гóсподи, пред Тобóю все желáние мое́ и воздыхáние мое́ от Тебѣ не утайся. Сѣрдце́ мое́ смятѣся, оста́ви мя́ сила́ моя́, и свет óчию́ моею́, и той несть со мно́ю. Друзи́ мой и и́скреннии мой́ прямо́ мене́ прибли́жишася и стáша, и бли́жнии мой́ отдалѣче мене́ стáша и нужда́хуся и́щущии дýшу мою́, и и́щущии злáя мене́ глаго́лаху сýетная и льстивным весь день поучáхуся. Аз же я́ко глух не слы́шах и я́ко нем не отверзáяй уст своих. И бых я́ко человек не слы́шай и не имый во устѣх своих обличѣния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ порáдуют ми ся врази́ мой: и внегда́ подвижáтиса ногáм моим, на мя велерече́ваша. Я́ко аз на раны́ готóв, и болѣзнь моя́ предо мно́ю есть вѣну. Я́ко беззакóние мое́ аз возвещу́ и попеку́ся о гресѣ́ моем. Врази́ же мой́ живóут и укрепи́шася пáче мене́, и умно́жишася ненави́дящии мя́ без прáвды. Возда́ющии ми злáя возблагáя оболгáху мя, занѣ́ гоня́х благосты́ню. Не оста́ви мене́, Гóсподи Бóже мой, не отступи́ от мене́. Вонми́ в пóмощь мою́, Гóсподи спасѣния моего́.

Не оста́ви мене́, Гóсподи Бóже мой, не отступи́ от мене́. Вонми́ в пóмощь мою́, Гóсподи спасѣния моего́.

### Псалом 62

Бóже, Бóже мой, к Тебѣ́ у́треннюю, возжада́ Тебѣ́ душа́ моя́, коль мно́жицею Тебѣ́ плоть моя́, в земли́ пúсте и непроходне, и безводне. Та́ко во святѣ́м явѣхся Тебѣ́, видети́ силу́ Твою́ и сла́ву Твою́. Я́ко лучши́ мѣлость Твоя́ пáче живóт, устне́ мой похвалите́ Тя. Та́ко благословлю́ Тя в животѣ́ моем, о́ имени Твое́м воздежу́ рúце мой. Я́ко от тóка и ма́сти да испóлнится душа́ моя́, и устна́ма рáдости восхва́лят Тя уста́ моя́. А́ще поминáх Тя на постѣ́ли мое́й, на у́тренних поучáхся в Тя. Я́ко был еси́ Помóщник мой, и в крóве крилу́ Твоею́ возрадо́уюся. Прильпе́ душа́ моя́ по Тебѣ́, мене́ же при́ят десни́ца Твоя́. Ти́и же всýе иска́ша дýшу мою́, внѣдут в преиспóдняя земли́, преда́дутся в ру́ки ору́жия, ча́сти ли́совом бóдут. Царь же возвеселѣ́тся о Бóзе, похва́лится всяк кленыйся́ Им, я́ко заградѣ́шася уста́ глаго́лющих неправедная́.

На ўтренних поучахся в Тя. Яко был еси Помóщник мой, и в крóве крилу́ Твоею возра́дуюся. Прильпе́ душа́ моя́ по Тебе́, мене́ же при́ят десни́ца Твоя́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. Трижды, без поклонов.

Го́споди поми́луй. Трижды.

Сла́ва, и ны́не:

### Псалом 87

Го́споди Бо́же спасéния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к молéнию моему́, яко испо́лнися зол душа́ моя́, и живóт мой аду прибли́жися. Привменéн бых с низходя́щими в ров, бых яко человек без по́мощи, в мёртвых свобóдь, яко я́звеннии спя́щии во грóбе, ихже не помяну́л еси́ ктому́, и тии от руки́ Твоея́ отринóвени бы́ша. Положи́ша мя в ро́ве преиспо́днем, в тёмных и сéни смёртней. На мне утверди́ся я́рость Твоя́, и вся во́лны Твоя́ навёл еси́ на мя. Уда́лил еси́ зна́емых моих от мене́, положи́ша мя мёрзость себе́: прéдан бых и не исхожда́х. Очи мой изнемогóсте от нищеты́, воззва́х к Тебе́, Го́споди, весь день, воздéх к Тебе́ рúце мой. Еда́ мёртвыми твори́ши чудеса́? Или́ вра́чеве воскреся́т, и исповéдятся Тебе́? Еда́ пове́сть кто во грóбе ми́лость Твою́, и и́стину Твою́ в погýбели? Еда́ познана́ бóдут во тьме чудеса́ Твоя́, и пра́вда Твоя́ в земли́ забвённой? И аз к Тебе́, Го́споди, воззва́х и ўтро моли́тва моя́ предварит Тя. Вскúю, Го́споди, отрéеши дúшу мою́, отвраща́еши лице́ Твое́ от мене́? Нищ есмь аз, и в трудéх от ю́ности моея́; возне́с же ся, смири́хся, и изнемогóх. На мне преидóша гнёви Твои́, устрашéния Твоя́ возмути́ша мя, обыдо́ша мя яко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых моих от страсте́й.

Го́споди Бо́же спасéния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к молéнию моему́.

### Псалом 102

Благослови́, душе́ моя́, Го́спода, и вся вну́тренняя моя́ и́мя свя́тое Его́. Благослови́, душе́ моя́, Го́спода, и не забыва́й всех воздая́ний Его́, очища́ющаго вся беззакóнныя твоя́, исцеля́ющаго вся недúги твоя́, избавля́ющаго от ислéния живóт твой, венча́ющаго тя ми́лостию и щедрóтами, исполня́ющаго во благих желáние твое́: обнови́тся яко о́рля ю́ность твоя́. Твори́й ми́лостыни Господь, и судьбу́ всем обидимым. Сказа́ пути́ Своя́ Моисéови, сыновóм Изра́илевым хотéния Своя́: Щедр и

Мы́лостив Госпóдь, Долготерпелív и Многомы́лостив. Не до конца́ прогнэ́вается, ниже́ во век враждует, не по беззакóнием на́шим сотворíл есть нам, ниже́ по грехóm на́шим vzdáл есть нам. Яко по высотé небэ́сней от землй́, утвердíl есть Госпóдь мы́лость Свою́ на боя́щихся Его́. Ели́ко отстоя́т востóцы от за́пад, уда́лил есть от нас беззакóния на́ша. Якоже ще́дрит отéц сы́ны, ущэ́дри Госпóдь боя́щихся Его́. Яко Той познá создáние на́ше, помяну́, яко персть есмь. Человéк, яко трава́ дние его́, яко цвет сéльный, тако́ оцветéт, яко дух прóйде в нем, и не бóдет, и не позна́ет ктому́ мéста своего́. Мы́лость же Госпóдня от вéка и до вéка на боя́щихся Его́, и прáвда Его́ на сынéх сынóв, храня́щих завет́ Его́, и по́мнящих за́поведи Его́ творíти я́. Госпóдь на Небесí угото́ва Престо́л Свой, и Цáрство Его́ все́ми облада́ет. Благослови́те Гóспода вси А́нгели Его́, сй́льнии крэ́постию, творя́щие слóво Его́, услы́шати глас словéс Его́. Благослови́те Гóспода вся Сй́лы Его́, слугй́ Его́, творя́щие волю́ Его́. Благослови́те Гóспода вся делá Его́, на вся́ком мéсте влады́чества Его́, благослови́, душé моя́, Гóспода.

На вся́ком мéсте влады́чества Его́, благослови́, душé моя́, Гóспода.

### Псалом 142

Гóсподи, услы́ши молитву́ мою́, внуши́ молéние моé во й́стине Твое́й, услы́ши мя в прáвде Твое́й и не вни́ди в суд с рабóм Твои́м, яко не оправд́ится пред Тобóю всяк живы́й. Яко погна́ враг ду́шу мою́, смирил́ есть в зéмлю живóт мой, посадíl мя есть в тёмных, яко мёртвыя вéка. И уны́ во мне дух мой, во мне смятэ́ся сёрдце моé. Помяну́х дни дрéвния, поучй́хся во всех дéлех Твои́х, в творéниях руку́ Твое́ю поучáхся. Воздéх к Тебé рúце мой, душá моя́, яко земля́ безвóдная Тебé. Скóро услы́ши мя, Гóсподи, исчезé дух мой, не отврати́ лица́ Твоего́ от менé, и уподóблюся низходя́щим в ров. Слы́шану сотвори́ мне заўтра мы́лость Твою́, яко на Тя упова́х. Скажи́ мне, Гóсподи, путь вóньже пойду́, яко к Тебé взях ду́шу мою́. Изми́ мя от враг мои́х, Гóсподи, к Тебé прибегóх. Научи́ мя творíти волю́ Твою́, яко Ты еси́ Бог мой. Дух Твой Благй́й наста́вит мя на зéмлю прáву. Й́мене Твоего́ рáди, Гóсподи, живи́ши мя, прáвдою Твое́ю изведéши от печáли ду́шу мою́. И мы́лостью Твое́ю потреби́ши враги́ моя́ и погуби́ши вся стужáющыя души́ моéй, яко аз раб Твой есмь.

Услы́ши мя, Гóсподи, в прáвде Твое́й и не вни́ди в суд с рабóм Твои́м.

Услы́ши мя, Гóсподи, в прáвде Твое́й и не вни́ди в суд с рабóм Твои́м.

Дух Твой Благй́й наста́вит мя на зéмлю прáву.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, помы́луй. **12.**

Сла́ва, и ны́не:

**БОГ ГОСПО́ДЬ И ТРОПА́РЬ**

**Глас 5:**

Бог Госпо́дь и яви́ся нам, благослове́н Гряды́й во и́мя Госпо́дне.

**Стих:** Испове́дайтесь Го́сподеви, я́ко благ, я́ко в век ми́лость Его́.

Бог Госпо́дь и яви́ся нам, благослове́н Гряды́й во и́мя Госпо́дне.

**Стих:** Обыше́дше обыдо́ша мя и и́менем Госпо́дним противля́хся им.

Бог Госпо́дь и яви́ся нам, благослове́н Гряды́й во и́мя Госпо́дне.

**Стих:** Не умру́, но жив бу́ду и пове́м дела́ Госпо́дня.

Бог Госпо́дь и яви́ся нам, благослове́н Гряды́й во и́мя Госпо́дне.

**Стих:** Ка́мень, Его́же небрего́ша зи́ждущии, Сей бысть во главу́ у́гла, от Го́спода бысть Сей и есть дивен во очесе́х на́ших.

Бог Госпо́дь и яви́ся нам, благослове́н Гряды́й во и́мя Госпо́дне.

**ТРОПА́РЬ ВОСКРЕ́СНЫЙ, ГЛАС 5:**

**Собезнача́льное Сло́во Отцу́ и Ду́хови,/ от Де́вы рóждшееся на Спасе́ние на́ше,/ воспо́йм, ве́рнии, и поклони́мся;/ я́ко благово́ли Плóтию взы́ти на Крест,/ и смерть претерпе́ти,/ и воскреси́ти умёршия// сла́вным воскресе́нием Свои́м. **Дважды.****

**Сла́ва:**

**Тропарь святых, глас 4:**

**Я́ко апо́столом еди́нонра́внии/ и словéнских стран учи́телие,/ Киры́лле и Мефóдие Богому́дрии,/ Влады́ку всех моли́те,/ вся язы́ки словéнския утверди́ти в Правосла́вии и еди́номы́слии,/ умири́ти мир/ и спасти́ ду́ши на́ша.**

**И ны́не:**

**Богорóдичен воскрéсный (по гласу «Сла́вы»), глас 4:**

**Е́же от ве́ка утае́нное,/ и а́нгелом несве́домое та́инство,/ Тобóю, Богорóдице, су́щим на земли́ яви́ся Бог,/ в несли́тном соедине́нии воплоща́емь,/ и Крест во́лею нас ра́ди воспри́йм:/ и́мже воскреси́в**

**первоздánнаго, // спасé от смёрти дúши нáша.**

## **КАФЫЗМЫ И СЕДАЛЬНЫ**

**Гóсподи, помíлуй. Трижды**

**Слáва, и ны́не:**

***И чтем кафýзму 2-ю ( или один псалом, или до 1-й Славы)***

### **Псалом 9**

**И**сповéмся Тебé, Гóсподи, всем сёрдцем моём, повéм вся чудесá Твоя́. Возвеселю́ся и возра́дуюся о Тебé, пою́ и́мени Твоему́, Вы́шний. Внегда́ возврати́тся врагу́ моему́ вспя́ть, изнемо́гут и поги́бнут от лица́ Твоего́. Я́ко сотвори́л еси́ суд мой и прю́ мою, сел еси́ на Престо́ле, судя́й пра́вду. Запрети́л еси́ язы́ком, и поги́бе нечестивый, и́мя его́ потреби́л еси́ в век и в век ве́ка. Врагу́ оскуде́ша ору́жия в конéц, и гра́ды разруши́л еси́, поги́бе па́мять его́ с шу́мом. И Госпо́дь во век пребыва́ет, угото́ва на суд престо́л Свой, и Той суди́ти и́мать вселённей в пра́вду, суди́ти и́мать лю́дем в правоте́. И бысть Госпо́дь прибе́жище убо́гому, помо́щник во благовре́мениих, в ско́рбех. И да упова́ют на Тя зна́ющие и́мя Твое́, я́ко не оста́вил еси́ взыска́ющих Тя, Гóсподи. По́йте Гóсподеви, живу́щему в Сиóне, возвестите во язы́цех начинáния Его́, я́ко взыска́яй кро́ви их помяну́, не забы́ звáния убо́гих. Помíлуй мя, Гóсподи, виждь смире́ние моé от враг мо́их, возно́сяй мя от врат смёртных, Я́ко да возвещу́ вся хвалы́ Твоя́ во врата́х дщере́ Сиóни, возра́дуемся о спасéнии Твое́м. Углебо́ша язы́цы в па́губе, ю́же сотвори́ша, в се́ти сей, ю́же скры́ша, увязé ногá их. Зна́емь есть Госпо́дь судьбы́ творя́й, в дéлех руку́ своею́ увязé грéшник. Да возвратя́тся грéшницы во ад, вси язы́цы забывáющие Бóга. Я́ко не до конца́ забвён бу́дет ни́щий, терпе́ние убо́гих не поги́бнет до конца́. Воскресни́, Гóсподи, да не крепи́тся человек, да сýдятся язы́цы пред Тобо́ю. Поста́ви, Гóсподи, законополо́жителя над ни́ми, да разумéют язы́цы, я́ко челове́цы суть. Вскую́, Гóсподи, отстоя́ далéче, презира́еши во благовре́мениих, в ско́рбех? Внегда́ горди́тися нечестивому́, возгара́ется ни́щий, увязáют в советех, я́же помышля́ют. Я́ко хвали́мь есть грéшный в по́хотех души́ своея́, и обидя́й благослови́мь есть. Раздражи́ Гóспода грéшный, по мно́жеству гнéва своего́ не взы́щет, несть Бóга пред ним. Оскверня́ются путиé его́ на вся́ко вре́мя, отъёмлю́тся судьбы́ Твоя́ от лица́ его́, все́ми враги́ своими́ облада́ет. Рече́ бо в сёрдце своём, не подви́жуся от рóда в род без зла, его́же кля́твы уста́ его́ полна́ суть, и гóрести и льсти, под язы́ком его́ труд и болéзнь. Приседи́т в лови́тельстве с богáтыми в та́йных, е́же уби́ти непови́ннаго, óчи его́ на ни́щаго призира́ете. Лови́т в та́йне я́ко лев во огра́де свое́й,

ловит́ е́же восхитити́ ни́щаго, восхитити́ ни́щаго, вневгда́ привлещи́ и́. В се́ти своёй смири́т его́, прекло́нится и паде́т, вневгда́ ему́ облада́ти убо́гими. Рече́ бо в се́рдце своём: забы́ Бог, отврати́ лице́ Своё, да не ви́дит до конца́. Воскресни́, Го́споди Бо́же мой, да вознесётся́ рука́ Твоя́, не забу́ди убо́гих Твои́х до конца́. Чесó ра́ди прогне́ва нечестивы́й Бо́га? Рече́ бо в се́рдце своём: не взы́щет. Ви́диши, я́ко Ты бо́лезнь и я́рость смотре́еши, да преда́н бу́дет в ру́це Твои́, Тебе́ оста́влен е́сть ни́щий, си́ру Ты бу́ди помо́щник. Сокруши́ мы́шцу грёшному́ и лука́вому, взы́щется́ грех его́ и не обря́щется́. Госпо́дь Царь во век и в век ве́ка, поги́бнете, язы́цы, от земли́ Его́. Желáние убо́гих услы́шал еси́, Го́споди, угото́ванию се́рдца их внят́ у́хо Твоё. Суди́ си́ру и смире́ну, да не приложит́ ктому́ велича́ться человек на земли́.

### Псалом 10

На Го́спода упова́х, ка́ко рече́те ду́ши моёй: превита́й по гора́м, я́ко пти́ца? Я́ко се, грёшницы наляко́ша лук, угото́ваша стрéлы в ту́ле, состреля́ти во мра́це пра́вья се́рдцем. Зане́ я́же Ты соверши́л еси́, онí разруши́ша, пра́ведник же что сотвори́? Госпо́дь во хра́ме святе́м Своём. Госпо́дь, на небеси́ престóл Его́, о́чи Его́ на ни́щаго призира́ете, ве́жди Его́ испытáете сы́ны челове́ческия. Госпо́дь испытáет пра́веднаго и нечестива́го, любя́й же неправду ненави́дит свою́ ду́шу. Одождит́ на грёшники се́ти, огонь и жу́пел, и дух бу́рен часть ча́ши их. Я́ко пра́веден Госпо́дь, и пра́вды возлюбí, правоты́ ви́де лице́ Его́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, помíлуй. 3.

Сла́ва, и ны́не:

### Псалом 11

Спаси́ мя, Го́споди, я́ко оскуде́ преподо́бный, я́ко ума́лишася́ и́стины от сыно́в челове́ческих. Су́етная глаго́ла кийждо́ ко и́скреннему́ своему́, устне́ льсти́выя в се́рдце, и в се́рдце глаго́лаша зла́я. Потреби́т Госпо́дь вся устны́ льсти́выя, язы́к велере́чивый, ре́кшыя: язы́к наш возвели́чим, устны́ на́ша при нас суть, кто́ нам Госпо́дь е́сть? Стра́сти ра́ди ни́щих и воздыхáния убо́гих ны́не воскресну́, глаго́лет Госпо́дь, положу́ся во спасéние, не обиню́ся о нем. Словеса́ Господня́ словеса́ ч́ста, серебро́ разжже́но, искуше́но земли́, очище́но седмери́цею. Ты, Го́споди, сохрани́ши ны́ и соблюде́ши ны́ от ро́да сегó и во век. О́крест нечестивии́ ходят, по высотé Твоёй умно́жил еси́ сы́ны челове́ческия.

## Псалом 12

Докóле, Гóсподи, забúдеши мя до концá? Докóле отвращáеши лицé Твоё от менé? Докóле положú совéты в душí моёй, болéзни в сёрдце моём день и ночь? Докóле вознесётсá враг мой на мя? Прíзри, услы́ши мя, Гóсподи Бóже мой, просветí очи мо́й, да не когдá усну́ в смерть, да не когдá речёт враг мой, укрепíхся на негó. Стужáющие ми возра́дуются, áще подви́жуся. Аз же на мýлость Твою́ упováх, возра́дуется сёрдце моё о спасéнии Твоём, воспóю Гóсподеви благоде́явшему мне и пою́ ймени Гóспода Вы́шняго.

## Псалом 13

Речé безúмен в сёрдце своём: несть Бог. Раствлéша и омерзíшася в начинáнииих, несть творя́й благостýню. Госпóдь с небесé принíче на сыны человéческия, вíдети, áще есть разумева́й или́ взыска́й Бóга. Всеи уклонíшася, вкúпе неключíми б́ша: несть творя́й благостýню, несть до едíнаго. Ни лí уразуме́ют всеи дéлающие беззакóние, снеда́ющие лю́ди моя́ в снeдь хлéба? Гóспода не призвáша. Тáмо убо́яшася стрáха, идéже не бе страх, я́ко Госпóдь в рóде прáведных. Совéт нíщаго посрамíсте, Госпóдь же упováние егó есть. Кто даст от Си́она спасéние Изрáилево? 8 Внегдá возвратíт Госпóдь пленéние люде́й Сво́их, возра́дуется Иáков, и возвеселíтся Изрáиль.

Слáва, и ны́не:

Аллилу́иа, аллилу́иа, аллилу́иа, слáва Тебé, Бóже. **Трижды.**

Гóсподи, помíлуй. **3.**

Слáва, и ны́не:

## Псалом 14

Гóсподи, кто обитáет в жили́щи Твоём? Или́ кто вселíтся во святúю гóру Твою́? Ходя́й непорóчен и дéлаяй прáвду, глагóляй й́стину в сёрдце своём. Й́же не ульстí язы́ком своим и не сотвори́ й́скреннему своему́ зла, и поношéния не прíят на блíжния своя́. Уничижén есть пред ним лука́внуяй, боя́щия же сá Гóспода слáвит, клeныйсá й́скреннему своему́ и не отметáется. Сребрá своегó не даде́ в лíхву и мзды на неповíнных не прíят. Творя́й сия́ не подви́жится во век.

## Псалом 15

Сохрани́ мя, Гóсподи, я́ко на Тя упováх. Рех Гóсподеви: Госпóдь мой есй́ Ты, я́ко благíх мо́их не трéбуеши. Святы́м, й́же суть на землí Егó, удивí Госпóдь все хотéния Сво́я в них. Умно́жишася нéмощи их, по сих ускори́ша:

не соберу́ собóры их от кровей, ни помяну́ же имён их устна́ма мойма. Господь часть достоя́ния моего́ и ча́ши моея́, Ты еси́ устро́яяй достоя́ние моё мне. У́жя нападóша ми в держа́вных моих, ибо́ достоя́ние моё держа́вно есть мне. Благословлю́ Го́спода, вразуми́вшего мя, ещё́ же и до но́щи нака́заша мя утробы́ моя́. Предзрѣх Го́спода предо мною́ вы́ну, яко одесну́ю мене́ есть, да не подви́жуся. Сего́ ра́ди возвесели́ся се́рдце моё, и возра́довася язы́к мой, ещё́ же и плоть моя́ вселится́ на упова́нии. Яко не оста́виши ду́шу мою́ во а́де, ниже́ да́си преподо́бному Твоему́ ви́дети ислѣ́ния. Сказа́л ми еси́ пу́ти животá, испóлниши мя весѣ́лия с лицѣ́м Твои́м, красота́ в десни́це Твоёй в коне́ц.

### Псалом 16

Услы́ши, Го́споди, правду́ мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце моё, посетил еси́ но́щию, искусил мя еси́, и не обрѣ́теся во мне неправда́. Яко да не возглаго́лют уста́ моя́ дел челове́ческих, за словеса́ устен Твои́х аз сохрани́х пу́ти же́стоки. Соверши́ стопы́ моя́ во стезя́х Твои́х, да не подви́жнутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твоё́ мне и услы́ши глаго́лы моя́. Удиви́ мило́сти Твоя́, спаса́яй упова́ющыя на Тя от проти́влящихся десни́це Твоёй. Сохрани́ мя, Го́споди, яко зе́ницу о́ка, в кро́ве крилу́ Твоёю покры́еши мя. От лица́ нечести́вых остра́стших мя, врази́ мой ду́шу мою́ одержáша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклони́ти на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечести́ваго, ору́жие Твоё́ от враг руки́ Твоея́, Го́споди, от ма́лых от земли́, раздели́ я́ в животѣ́ их, и сокровѣ́нных Твои́х испóлнися чре́во их, насы́тишася сынóв, и оста́виша оста́нки младѣ́нцем свои́м. Аз же правдо́ю явлю́ся лицу́ Твоему́, насы́щуся, внегда́ явити́ ми ся сла́ве Твоёй.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, помилуй. **3.**

Сла́ва, и ны́не:

**По кафисме седальны, глас 5:**

**Крест Господень похвалим,/ погребѣние Святѣе пѣсньми почтѣм,/ и Воскресѣние Егѣ препросла́вим,/ яко совозста́ви мѣртвыя от гроб, яко Бог,/ пленѣв смѣрти держа́ву, и крѣпость диа́волу, // и сущим во а́де**

**СВЕТ ВОЗСИЯ.**

**Стих:** Воскресни́ Го́споди Бо́же мой, да вознесётся рука́ Твоя́,/ не забуди убо́гих Твои́х до конца́.

**Го́споди мертв наре́клся еси́, умертви́вый смерть,/ во грóбе положи́лся еси́, истощи́вый грóбы:/ горé во́ини грóба стрежа́ху,/ до́ле от ве́ка ме́ртвья воскреси́л еси́.// Всеси́льне и Непостижи́ме Го́споди, сла́ва Тебе́.**

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

**Ра́дуйся, Двере́ Господня́ непроходи́мая;/ ра́дуйся, стено́ и покрóве притека́ющим к Тебе́./ Ра́дуйся, необурева́емое пристáнище и неискусобра́чная,/ ро́ждшая плóтию Творца́ Твоего́ и Бо́га./ Моля́щи не оскудева́й о воспева́ющих// и клáняющихся рождеству́ Твоему́.**

**Го́споди, помíлуй. 3.**

Сла́ва, и ны́не:

*И чтем кафи́сму 3-ю ( или один псалом, или до 1-й Славы)*

**Псалóм 17:**

**Возлюблю́ Тя, Го́споди, крѣпосте́ моя́. Господь утвержде́ние мое́, и прибе́жище мое́, и Изба́витель Мой, Бог мой, Помо́щник мой, и упова́ю на Него́, Защи́титель мой, и рог спасе́ния моего́, и Засту́пник мой. Хваля́ призову́ Го́спода и от враг мои́х спасу́ся. Одержáша мя болѣзни смѣртныя, и потóцы беззакóния смято́ша мя, болѣзни áдовы обыдо́ша мя, предвари́ша мя се́ти смѣртныя. И внегда́ скорбе́ти ми, призвáх Го́спода, и к Бо́гу моему́ воззва́х, услы́ша от хра́ма Свята́го Своего́ глас мой, и вопль мой пред Ним вни́дет во у́ши Его́. И подви́жется, и трѣпетна бысть земля́, и основáния гор смято́шася и подвиго́шася, я́ко прогне́вася на ня Бог. Взы́де дым гнѣвом Его́, и огонь от лица́ Его́ воспла́менится, у́глие возгорéся от Него́. И приклонí небеса́, и снйде, и мрак под нога́ма Его́. И взы́де на Херувíмы, и летé, летé на крилу́ ветреню́. И положи́ тму закрóв Свой, óкрест Его́ селе́ние Его́, темна́ вода́ во óблацех возду́шных. От облистáния пред Ним óблацы проидо́ша, град и у́глие óгненное. И возгремé с Небесе́ Господь и Вы́шний даде́ глас Свой. Низпосла́ стрéлы и разгна́ я́, и мо́лнии умно́жи и смяте́ я́. И яви́шася исто́чницы водни́и, и откры́шася основáния вселénныя, от запрещéния Твоего́, Го́споди, от дохнове́ния ду́ха гнѣва Твоего́. Низпосла́ с высоты́, и прият мя, восприят мя от вод мно́гих. Изба́вит мя от враго́в мои́х си́льных и от ненави́дящих мя, я́ко утверди́шася па́че мене́. Предвари́ша мя в день озлобле́ния моего́, и бысть Господь утвержде́ние мое́.**

И изведé мя на широту́, избáвит мя, я́ко восхотé мя. И возда́ст ми Господь по правде моéй и по чистотé руку́ моéю возда́ст ми. Я́ко сохрани́х путы́ Господни и не нечествовах от Бóга моего́. Я́ко вся судьбы́ Его́ предо мною́ и оправдания́ Его́ не отступи́ша от мене́. И буду́ непорóчен с Ним, и сохраню́ся от беззакония моего́. И возда́ст ми Господь по правде моéй и по чистотé руку́ моéю пред очима́ Его́. С преподóбным преподóбен будеши, и с му́жем непови́нным непови́нен будеши, и со избра́нным избра́н будеши, и со стропти́вым разврати́шия. Я́ко Ты лю́ди смире́нныя спасе́ши и óчи гордых смири́ши. Я́ко Ты просвети́ши свети́льник мой, Гóсподи, Бóже мой, просвети́ши тму́ мою́. Я́ко Тобóю избáвлюся от искуше́ния и Бо́гом мо́им преиду́ стéну. Бог мой, непорóчен путь Его́, словеса́ Господня́ разжже́на, Защи́титель есть всех упова́ющих на Него́. Я́ко кто бог, ра́зве Гóспода? или́ кто бог, ра́зве Бóга нашего́? Бог препоясу́йя мя си́лою, и положи́ непорóчен путь мой. Соверша́яй но́зе мой, я́ко елени, и на вы́соких поставля́яй мя. Науча́яй рúце мой на брань, и положи́ еси́ лук ме́дян мы́шца моя́. И дал ми еси́ защи́щение спасéния, и десни́ца Твоя́ восприя́т мя, и наказáние Твое́ исправи́т мя в конéц, и наказáние Твое́ то мя научи́т. Ушири́л еси́ стопы́ моя́ подо мною́, и не изнемогóсте плесне́ мой. Пожену́ враги́ моя́, и пости́гну я́, и не возвращу́ся, дóндеже сконча́ются. Оскорблю́ их, и не возмо́гут ста́ти, паду́т под нога́ма мо́йма. И препоя́сал мя еси́ си́лою на брань, спял еси́ вся востаю́щыя на мя под мя. И враго́в мо́их дал ми еси́ хребéт, и ненави́дящыя мя потреби́л еси́. Возва́ша, и не бе спаса́яй: ко Гóсподу, и не услы́ша их. И истню́ я́ я́ко прах пред лицéм вéтра, я́ко брeние путéй погла́жду я́. Избáвиши мя от пререка́ния люде́й, поста́виши мя во главу́ язы́ков. Лю́дие, ихже не ве́дех, рабóташа ми. В слух у́ха послу́шаша мя. Сы́нове чужди́и солга́ша ми. Сы́нове чужди́и обетша́ша и охромóша от стезь свои́х. Жив Господь, и благословéн Бог, и да вознесéтся Бог спасéния моего́. Бог да́й отмщéние мне и покоривы́й лю́ди под мя. Избáвитель мой от враг мо́их гневли́вых, от востаю́щих на мя вознесéши мя, от му́жа неправедна́ избáвиши мя. Сего́ ра́ди испове́мся Тебе́ во язы́цах, Гóсподи, и имени́ Твоему́ пою́: велича́яй спасéния царéва, и творя́й ми́лость христу́ Своему́ Дави́ду, и се́мени его́ до вéка.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бóже. **Трижды.**

Гóсподи, помилуй. **3.**

Сла́ва, и ны́не:

**Псалом 18:**

Небеса́ поведают сла́ву Бóжию, творéние же руку́ Его́ возвещает твердь. День дни отрыга́ет глаго́л, и ночь но́щи возвещает ра́зум. Не суть рéчи, ниже́ словеса́, ихже не слы́шатся гла́си их. Во всю зéмлю изы́де вещание их и в концы́ вселénныя глаго́лы их. В со́лнце положи́ селéние Своё, и Той, я́ко Жени́х исходя́й от черто́га Своего́, возра́дуется, я́ко Исполíн тещи́ путь. От кра́я небесе́ исхо́д Его́, и срéтение Его́ до кра́я небесе́, и несть и́же укрьётся теплоты́ Его́. Зако́н Господень непоро́чен, обраща́яй ду́шы, свидéтельство Господне ве́рно, умудря́ющее младе́нцы. Оправда́ния Господня пра́ва, веселя́щая се́рдце, за́поведь Господня светла́, просвеща́ющая о́чи. Страх Господень чист, пребыва́яй в век ве́ка: судьбы́ Господни и́стинны, оправда́ны вку́пе, вожделénны па́че злата́ и ка́мене че́стна мно́га, и сла́ждша па́че ме́да и со́та. Ибо раб Твой хранит я́, внегда́ сохранити я́, воздая́ние мно́го. Грехопадéния кто разумéет? От та́йных мо́их очисти мя, и от чужди́х пощади́ раба́ Твоего́, а́ще не облада́ют мно́ю, тогда́ непоро́чен бу́ду и очы́шуся от греха́ вели́ка. И бу́дут во благоволе́ние словеса́ уст мо́их, и поучéние се́рдца моего́ пред Тобо́ю в́ину, Го́споди, Помо́щниче мой и Изба́вителю мой.

#### Псалóм 19:

Услы́шит тя Господь в день печа́ли, заш́тит тя и́мя Бóга Иа́ковля. По́слет ти по́мощь от Свята́го и от Си́она заступит тя. Помяне́т вся́ку жéртву твою́, и всесожже́ние твоё ту́чно бу́ди. Даст ти Господь по се́рдцу твоemú и весь сове́т твой испо́лнит. Возра́дуемся о спасéнии твоём и во и́мя Го́спода Бóга на́шего возвели́чимся. Испол́нит Господь вся проше́ния тво́я. Ны́не позна́х, я́ко спасé Господь христа́ Своего́, услы́шит его́ с Небесе́ Свята́го Своего́, в си́лах спасéние десни́цы Его́. Си́и на колесни́цах, и си́и на ко́нех, мы же во и́мя Го́спода Бóга на́шего призовéм. Тии́ спя́ти бы́ша и падóша, мы же воста́хом и испра́вихомся. Го́споди, спаси́ царя́ и услы́ши ны, вóньже а́ще день призовéм Тя.

#### Псалóм 20:

Го́споди, си́лою Твоею́ возвеселит́ся царь и о спасéнии Твоём возра́дуется зело́. Желáние се́рдца его́ дал еси́ ему́, и хотéния устну́ его́ неси́ лишыл его́. Я́ко предвари́л еси́ его́ благословéнием благосты́нным, положи́л еси́ на главé его́ венéц от ка́мене че́стна. Живота́ проси́л есть у Тебе́, и дал еси́ ему́ долготу́ дней во век ве́ка. Вéлия сла́ва его́ спасéнием Твоём, сла́ву и велелéние возложи́ши на него́. Я́ко да́си ему́ благословéние во век ве́ка, возвесели́ши его́ радóстию с лицём Твоём. Я́ко царь упова́ет на Го́спода, и мило́стию Вы́шняго не подви́жится. Да обря́щется рука́ Тво́я всем врагóм Твоём, десни́ца Тво́я да обря́щет вся ненавídaщыя Тебе́. Я́ко положи́ши их я́ко пещь о́гненную во вре́мя лица́ Твоего́, Господь гнёвом

Свои́м смятёт я́, и снёсть их огонь. Плод их от земли́ погуби́ши, и се́мя их от сыно́в челове́ческих. Я́ко уклони́ша на Тя зла́я, помы́слиша сове́ты, ихже не возмо́гут соста́вити. Я́ко положи́ши я́ хребёт, во избы́тцах Твои́х угото́виши лице́ их. Вознеси́ся, Го́споди, си́лою Твоёю, воспоём и поём си́лы Тво́я.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, помилуй. 3.

Сла́ва, и ны́не:

Псалóм 21:

Бо́же, Бо́же мой, вонми́ ми, вскую́ оста́вил мя еси́? Далече́ от спасе́ния моего́ словеса́ грехопаде́ний мои́х. Бо́же мой, воззову́ во дни, и не услы́шиши, и в но́щи, и не в безумие́ мне. Ты же во Святе́м живёши, хвало́ Изра́илева. На Тя упова́ша отцы́ на́ши, упова́ша и изба́вил еси́ я́. К Тебе́ воззва́ша, и спасо́шася, на Тя упова́ша, и не постыде́шася. Аз же есмь червь, а не челове́к, поноше́ние челове́ков и уничиже́ние люде́й. Все ви́дящие мя поруга́ша ми ся, глаго́лаша устна́ми, покива́ша главо́ю: упова́ на Го́спода, да изба́вит его́, да спасёт его́, я́ко хо́щет его́. Я́ко Ты еси́ исто́ргий мя из чре́ва, упова́ние моё́ от сосцу́ ма́тере мое́я. К Тебе́ приве́ржен есмь от ложе́сн, от чре́ва ма́тере мое́я Бог мой еси́ Ты. Да не отсту́пиши от мене́, я́ко скорбь́ близ, я́ко несть помога́й ми. Обыдо́ша мя тельцы́ мно́зи, юнцы́ ту́чнии одержа́ша мя. Отверзо́ша на мя уста́ сво́я, я́ко лев восхища́яй и рыка́яй. Я́ко вода́ изли́хся, и разсы́пашася вся ко́сти мо́я, бысть се́рдце моё́ я́ко воск, та́яй посреде́ чре́ва моего́. Изсше́ я́ко скуде́ль кре́пость мо́я, и язы́к мой прильпе́ горта́ни моему́, и в персть́ сме́рти свел мя еси́. Я́ко обыдо́ша мя пси мно́зи, сонм лука́вых одержа́ша мя, ископа́ша ру́це мой и но́зе мой. Исчето́ша вся ко́сти мо́я, тии же смотре́ша и презре́ша мя. Раздели́ша ризы́ мо́я себе́, и о оде́жди моё́й мета́ша жре́бий. Ты же, Го́споди, не удали́ по́мощь Твою́ от мене́, на заступле́ние моё́ вонми́. Изба́ви от ору́жия ду́шу мою́, и из руки́ пе́сии единоро́дную мою́. Спаси́ мя от уст льво́вых и от рог единоро́жь смире́ние моё́. Повём и́мя Твоё́ бра́тии моё́й, посреде́ це́ркве воспою́ Тя. Бо́ящиеся Го́спода, восхвалите́ Его́, все се́мя Иа́ковле, просла́вите Его́, да убойт́ся же от Него́ все се́мя Изра́илево. Я́ко не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Нему́, услы́ша мя. От Тебе́ похвала́ мо́я, в це́ркви вели́цей испове́мся Тебе́, моли́твы мо́я возда́м пред бо́ящимися Его́. Яды́т убо́зии и насы́тятся, и восхва́лят Го́спода взыска́ющие Его́, жива́ бу́дут се́рдца их в век ве́ка. Помяну́тся и обрат́ятся ко Го́споду все концы́ земли́, и

поклóнятся пред Ним вся отéчества язы́к. Яко Госпóдне есть царство, и Той облада́ет язы́ки. Ядо́ша и поклонíшася вси тучнии земли́, пред Ним припадúт вси низходя́щие в зéмлю, и ду́ша моя́ Тому́ живёт. И се́мя моё порабо́тает Ему́, возвестíт Го́сподеви род грядúщий. И возвестя́т правду Его́ лю́дем ро́ждшымся, яже сотвори́ Госпóдь.

**Псалóм 22:**

Госпóдь пасёт мя, и ничто́же мя лишít. На мéсте злáчне, тáмо вселí мя, на водé покóйне воспита́ мя. Ду́шу мою́ обрати́, наста́ви мя на стезí правды, íмене ра́ди Своего́. А́ще бо и пойду́ посреде́ сени́ смёртныя, не убою́ся зла, я́ко Ты со мно́ю еси́, жезл Твой и пáлица Твоя́, та мя утéшиста. Угото́вал еси́ предо мно́ю трапéзу сопро́тив стужáющим мне, ума́стил еси́ елёом главу́ мою́, и чáша Твоя́ упоявáющи мя, я́ко держа́вна. И мýлость Твоя́ поженёт мя вся дни́ живота́ моего́, и е́же вселíти ми ся в дом Госпóдень, в долготу́ дней.

**Псалóм 23:**

Госпóдня земля́, и исполнéние ея́, вселéнная и вси живу́щие на ней. Той на моря́х основáл ю́ есть, и на река́х угото́вал ю́ есть. Кто взы́дет на гóру Госпóдню? или́ кто стáнет на мéсте святе́м Его́? Неповíнен рука́ма и чист сёрдцем, íже не прия́т всúе ду́шу свою́, и не кля́тся лéстию íскреннему своему́. Сей при́мет благослове́ние от Го́спода, и мýлостыню́ от Бо́га, Спа́са своего́. Сей род íщущих Го́спода, íщущих лице́ Бо́га Иа́ковля. Возми́те врата́ князи ва́ша, и возми́тесь врата́ вéчная, и вни́дет Царь сла́вы. Кто есть сей Царь сла́вы? Госпóдь крёпок и си́лен, Госпóдь си́лен в бра́ни. Возми́те врата́ князи ва́ша, и возми́тесь врата́ вéчная, и вни́дет Царь сла́вы. Кто есть сей Царь сла́вы? Госпóдь сил, Той есть Царь сла́вы.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, поми́луй. **3.**

Сла́ва, и ны́не:

**По кафи́сме седáльны, глас 5:**

**Го́споди, посреде́ осуждённых пригвозди́ша Тя беззако́ннии,/ и копи́ем ребро́ Твое́ прободо́ша./ О Мýлостиве! Погребéние же прия́л еси́,/ разруши́вый áдова врата́, и воскрéсл еси́ тридне́вно./ Притеко́ша жены́ ви́дети Тя, и возвести́ша апóстолом воста́ние:// Превозно́симый Спа́се, Его́же пою́т а́нгели, Благослове́нный Го́споди, сла́ва Тебе́.**

**Стих:** Испове́мся Тебе́ Го́споди всем сёрдцем мо́им,/ пове́м вся чудеса́ Твоя́.

**Стра́нное Твое́ Спа́се мой, та́инство, мíрови спасéние бысть:/ воскрэс бо от грóба боголéпно,/ ислéвших совоздв́игл еси́ я́ко Бог,// всех Животé, Гóсподи сла́ва Тебé.**

Сла́ва Отцу́ и Сы́ну и Свято́му Ду́ху и ны́не и пр́сно и во ве́ки веко́в. Ами́нь.

**Неискусобра́чная Невéсто Богородíteльнице,/ Я́же Ёвину печа́ль радостотворíвшая,/ воспева́ем ве́рнии и покланя́емся Тебé,/ я́ко возвелá еси́ нас от дрéвния кля́твы,/ и ны́не моли́ непреста́нно, Всепéтая, Пресвята́я,// во éже спаст́ся нам.**

### ПОЛИЕЛЕЙ

#### Избранныи стихи из псалмов 134 и 135:

Хвалíte я́мя Господне, хвалíte, раби́ Гóспода.

Аллилу́иа, трижды.

Благословéн Господь от Сиóна, живы́й во Иерусали́ме.

Аллилу́иа, трижды.

Исповéдайтесь Гóсподеви, я́ко благ, я́ко в век м́лость Егó.

Аллилу́иа, трижды.

Исповéдайтесь Бóгу Небéсному, я́ко в век м́лость Егó.

Аллилу́иа, трижды.

#### Велича́ние святых:

**Велича́ем вас,/ святи́и равноапóстольнии Мефóдие и Киры́лле,/ вся словéнския страны́ учéными сво́ими просветíвшия// и ко Христу́ привéдшия.**

#### Псалом избранный:

Услы́шите сия́ вси язы́цы, внушите́ вси́, живу́щии по вселéнней./ Уста́ моя́ возглаго́лют премúдрость, и поучéние сёрдца моего́ рáзум./ Приидíte, ча́да, послу́шайте мене́, стра́ху Господню́ научу́ вас./ Благовестíх правду́ в це́ркви вели́цей./ И́стину Твою́ и спасéние Твое́ рех./ Повéм Я́мя Твое́ бра́тии мое́й, посреде́ це́ркве воспою́ Тя./ Услы́шати ми глас хвалы́ Твоея́ и повéдати вся чудеса́ Твоя́./ Гóсподи, возлюбíх благолéпие до́му Твоего́, и ме́сто селéния сла́вы Твоея́./ Возненав́идех це́рковь лука́внующих, и с нечестíвыми не сяду́./ Я́ко сохрани́х путы́ Господни и не нечествовах от Бóга моего́./ Уста́ праведнаго поучáтся премúдрости, и язы́к егó возглаго́лет суд./ Пράвда Егó пребывáет в век ве́ка./ Священни́цы Твой

облеку́тся пра́вдою, и преподо́бнии Твои́ возра́дуются.// Блаже́ни живу́щии в дому́ Твоём, в ве́ки веко́в восхва́лят Тя.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

**Велича́ем вас,/ святы́и равноапóсто́льнии Мефóдие и Кири́лле,/ вся словéнския страны́ учёньми свои́ми просвети́вшия// и ко Христу́ привéдшия.**

**ТРОПАРИ́ ВОСКРЕ́СНЫ ПО НЕПОРО́ЧНАХ, ГЛАС 5:**

Благословéн еси́, Го́споди, научи́ мя оправда́нием Твои́м.

А́нгельский собóр удиви́ся, / зря́ Тебе́ в ме́ртвых вмени́вшася, / сме́ртную же, Спа́се, кре́пость разори́вша, / и с Собóю Ада́ма воздви́гша, / и от а́да вся свобóждша.

Благословéн еси́, Го́споди, научи́ мя оправда́нием Твои́м.

Почто́ ми́ра с ми́лостивными слеза́ми, / о учени́цы, растворя́ете? / Блиста́йся во грóбе А́нгел миронóсицам веща́ше: / ви́дите вы гроб и уразуме́йте, / Спас бо воскресе́ от грóба.

Благословéн еси́, Го́споди, научи́ мя оправда́нием Твои́м.

Зело́ ра́но миронóсицы теча́ху / ко грóбу Твоему́ рыда́ющая, / но предста́ к ним А́нгел и рече́: / рыда́ния вре́мя преста́, не пла́чите, / воскресе́ние же апóстолом рцы́те.

Благословéн еси́, Го́споди, научи́ мя оправда́нием Твои́м.

Миронóсицы жены́ с ми́ры прише́дшия / ко грóбу Твоему́, Спа́се, рыда́ху, / А́нгел же к ним рече́, глаго́ля: / что с ме́ртвыми жива́го помышля́ете? / Яко́ Бог бо, воскресе́ от грóба.

Сла́ва: Покло́нимся Отцу́ / и Егó Сы́нови, и Свято́му Ду́ху, / Святе́й Трóице во еди́ном существе́, / с Серафи́мы зову́ще: / Свят, Свят, Свят еси́, Го́споди.

И ны́не: Жизнода́вца рóждши, / греха́, Де́во, Ада́ма изба́вила еси́, / ра́дость же Ё́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплоти́выйся Бог и Чело́век.

Аллилу́иа, аллилу́иа, аллилу́иа, сла́ва Тебе́, Бо́же. **Трижды.**

Го́споди, поми́луй. **Трижды.**

Сла́ва, и ны́не:

**Ипако́й, глас 4:**

**А**нгельским зра́ком ум смуща́юща,/ и Божéственным воста́нием  
душе́ю просвещáемы,/ миронóсицы апóстолом благовествова́ху:/  
возвестíte во язýцех Воскресéние,/ Гóсподу содействующу чудесы́,/  
пода́ющему нам вéлию мýлость.

**Седáльны святýх, глас 3:**

**Т**рóице Живоначáльней, Ю́же немóлно славослóвят а́нгельския  
сýлы/ и Ю́же велегласно во язýцех проповéдаете,/ ны́не во Свéте  
непристýпнем предсто́яще, моли́тесь прилэ́жно, Кири́лле и Мефóдие,/  
долгóв разрешéние даровáти и вéчнаго осуждéния избáвити//  
любóвию пáмять ва́шу почита́ющия.

**Глас 5:**

**Д**а ра́дуются днесь рóди словéнстии,/ священную пáмять учíteлей  
Богомýдрых свéтло прáзднующе:/ тэ́ми бо начáтсЯ на срóднем нам  
язýце словéнстем литургýя Божéственная/ и все церкóвное служéние  
совершáтсЯ,/ и тем неисчерпáемый клáдязь воды́, текúщия в жизнь  
вéчную, дадéсЯ нам/ от нея́же пи́юще, не престáнем величáти вас,  
Кири́лле и Мефóдие./ Вы же, во слáве святýх веселя́щсЯ,// моли́тесь  
прилэ́жно спастísЯ душáм нáшим.

**Слáва, глас 4:**

**П**риидíte, просветíteли нáша велегласно хвалáми почтím:/ тii бо  
язýки словéнския, глáдом слóва Бóжия погибáвшиЯ,/ мánною учéния  
Богомýдраго напитáста/ и преложéнием Благовéстия сы́на Грóмова на  
срóдную им бесéду,/ я́ко лучéю сóлнечною, просветíста,/ от  
нея́же и мы озарéние приéмше, благодарственно воззовéм://  
ра́дуйтсЯ, Кири́лле и Мефóдие приснослáвнии.

**И ны́не, глас 8:**

**Седáлен Триóди (о слепóm)**

**В**сех Влады́ка и Творéц преходя́,/ обрéте на путí слéпа седя́ща,  
плáчуща и глагóлюща:/ не вíдех в житий сóлнца сия́юща,/ ниже́ луны́  
свéта озаря́ющаго./ Тэмже вопи́ю Ти:/ рождéйсЯ от Дéвы, просвещéй  
вся́ческая,/ просветí мя я́ко благоутрóбен,/ да зовú припада́я Тебé,  
Влады́ко Христé Бóже:/ прегрешéний оставлéние дáруй,// за  
мнóжество мýлости нам, Человеколю́бче.

**СТЕПÉННЫ:**

**Антифóн 1, глас 5:**

**Внегда́ скорбѣти мне,/ Дави́дски пою́ Тебѣ, Спа́се мой:// избáви ду́шу мою́ от язýка льсти́ваго.**

**Пусти́нным живóт блаже́н есть,// Божѣственным рачѣнием воскриля́ющимся.**

**Сла́ва, и ны́не: Святы́м Ду́хом одержáтся вся,/ ви́димая же с невидимыми:/ Самодержáвен бо сый,// Трóицы Еди́н есть нелóжно.**

**Антифóн 2:**

**На гóры душе́, воздви́гнемся,// гряди́ та́мо, отню́ду же по́мощь идёт.**

**Десна́я Твоя́ рука́, и мене́, Христѣ́, касáющися,// от лѣсти вся́кия да сохранит.**

**Сла́ва, и ны́не: Свято́му Ду́ху богослóвюще рцем:/ Ты еси́ Бог, Живóт, Рачѣние, Свет, Ум:// Ты Благосты́ня, Ты ца́рствуеши во ве́ки.**

**Антифóн 3:**

**О рѣкших мне: во двори́х вни́дем Господня:// ра́дости мно́гия исполнен быв, моли́твы возсыла́ю.**

**В дому́ Дави́дове стра́шная соверша́ются:// огонь бо та́мо паля́ всяк сра́мный ум.**

**Сла́ва, и ны́не: Свято́му Ду́ху живонача́льное досто́инство,/ от Него́же вся́кое живóтно одушевлáется,// я́ко во Отце́, кúпно же и Сло́ве.**

**ПРОКЇМЕН, ГЛАС 5:**

**Воскресни́, Го́споди Бо́же мой, да вознесѣтся рука́ Твоя́,/ я́ко Ты ца́рствуеши во ве́ки.**

**Стих: Испове́мся Тебѣ́, Го́споди, всем се́рдцем мо́им, пове́м вся чудеса́ Твоя́.**

**Воскресни́, Го́споди Бо́же мой, да вознесѣтся рука́ Твоя́,/ я́ко Ты ца́рствуеши во ве́ки.**

**Воскресни́, Го́споди Бо́же мой, да вознесётся рука́ Твоя́,  
я́ко Ты ца́рствуеши во ве́ки.**

Го́споди, помíлуй.

Сла́ва, и ны́не:

Всякое дыха́ние да хва́лит Го́спода.

**Стих:** Хвалите́ Бо́га во свята́х Его́, хвалите́ Его́ в утвержде́нии си́лы Его́.

Всякое дыха́ние да хва́лит Го́спода.

Го́споди, помíлуй. **Трижды.**

Сла́ва, и ны́не:

От Иоанна свята́го Евáнгелия чтéние.

Сла́ва Тебе́, Го́споди, сла́ва Тебе́.

**И ЧТЕМ ЕВÁНГЕЛИЕ ВОСКРЕСНОЕ 8-Е:**

**Ин., 64 зач., XX, 11-18.**

**Во время оно, Марія стояше у гроба вне плачуши. Якоже плакашеса, приниче во гроб и виде два ангела в белых ризах сидяща, единого у главы и единого у ног, идеже бе лежало тело Иисусово. И глаголаста ей она: жено, что плачешися? Глагола има: яко взяша Го́спода моего́, и не вем, где положи́ша Его́. И сия рече́ши обратися вспять и виде Иисуса стояща, и не ведяше, яко Иисус есть. Глагола ей Иисус: жено, что плачеши, когó ищеши? Она́ же мнящи, яко вертоградарь есть, глагола Ему́: го́споди, аще ты еси́ взял Его́, пове́ждь ми, где еси́ положи́л Его́, и аз возму́ Его́. Глагола ей Иисус: Мари́е. Она́ же обращшися глагола Ему́: Раввунí, е́же глаго́лется, Учи́телю. Глагола ей Иисус: не прикаса́йся Мне, не у бо въздох ко Отцу́ Моему́: иди́ же ко бра́тии Моёй и рцы им: восхожду́ ко Отцу́ Моему́ и Отцу́ ва́шему, и Бо́гу Моему́ и Бо́гу ва́шему. При́иде же Марія Магдали́на пове́дающи ученико́м, яко виде Го́спода, и сия рече́ ей.**

**Русский перевод:** В то время, Мария стояла у гроба и плакала. И, когда плакала, наклонилась во гроб, и видит двух Ангелов, в белом одеянии сидящих, одного у главы и другого у ног, где лежало тело Иисуса. И они говорят ей: жена! Что ты плачешь? Говорит им: унесли Господа моего, и не знаю, где положили Его. Сказав сие, обратилась назад и увидела Иисуса стоящего; но не узнала, что это Иисус. Иисус говорит ей: жена! что ты плачешь? кого ищешь? Она, думая, что это садовник, говорит Ему: господин! если ты вынес Его, скажи мне, где ты положил Его, и я возьму

Его. Иисус говорит ей: Мария! Она, обратившись, говорит Ему: Раввунí! - что значит: Учитель! Иисус говорит ей: не прикасайся ко Мне, ибо Я еще не восшел к Отцу Моему; а иди к братьям Моим и скажи им: восхожу к Отцу Моему и Отцу вашему, и к Богу Моему и Богу вашему. Мария Магдалина идет и возвещает ученикам, что видела Господа и что Он это сказал ей.

### **Сла́ва Тебе́, Го́споди, сла́ва Тебе́.**

Воскресе́ние Христо́во ви́девши, поклонíмся Свято́му Го́споду Иису́су, еди́ному Безгрéшному. Кресту́ Твоему́ поклоня́емся, Христé, и свято́е Воскресе́ние Твое́ поём и сла́вим: Ты́ бо еси́ Бог наш, ра́зве Тебе́ ино́го не зна́ем, и́мя Твое́ имену́ем. Приидíte, вси ве́рнии, поклонíмся свято́му Христо́ву Воскресе́нию: се́ бо при́де Крестом ра́дость все́му ми́ру. Всегда́ благословя́ще Го́спода, поём Воскресе́ние Его́: распя́тие бо претерпе́в, сме́ртию сме́рть разруши́. **Трижды.**

## **ПСАЛО́М 50 С ПРИПЕ́ВАМИ**

### **Псалóм 50**

Помíлуй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние моё. Наипáче омýй мя от беззакóния моего́, и от грехá моего́ очисти́ мя; я́ко беззакóние моё аз зна́ю, и грех мой предо мно́ю есть вíну. Тебе́ еди́ному согреших, и лука́вое пред Тобо́ю сотвори́х; я́ко да оправди́шия во словесéх Твои́х, и победи́ши, внегда́ суди́ти Ти. Се́ бо в беззакóнных зачат есмь, и во гресéх роди́ мя ма́ти моя́. Се́ бо и́стину возлюбíл еси́, безвéстная и та́йная премúдрости Твоея́ явил ми еси́. Окропи́ши мя иссо́пом, и очы́шуся; омýеши мя, и па́че сне́га убелю́ся. Слу́ху моему́ да́си ра́дость и весéлие; возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очисти́. Сёрдце́ чíсто сози́жди во мне, Бо́же, и дух прав обнови́ во утробе́ моей. Не отвержи́ мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасéния Твоего́, и Ду́хом Влады́чним утверди́ мя. Научу́ беззакóнныя путе́м Твои́м, и нечестíвии к Тебе́ обратя́тся. Избáви мя от крове́й, Бо́же, Бо́же спасéния моего́; возра́дуется язы́к мой правде́ Твое́й. Го́споди, устне́ мои́ отвéрзеши, и уста́ моя́ возвестя́т хвалу́ Твою́. Я́ко áще бы восхотéл еси́ жéртвы, дал бых úбо: всесо́жжéния не благоволи́ши. Жéртва Бо́гу дух сокруше́н; сёрдце́ сокруше́нно и смире́нно Бог не уничи́жит. Ублажи́, Го́споди, благово́лением Твои́м Си́она, и да сози́дуются стéны Иерусали́мския. Тогда́ благоволи́ши жéртву правды́, возноше́ние и всесо́жега́емая; тогда́ возложáт на олта́рь Твой тельцы́.

**Сла́ва:**

**Молітвами апóстолов, Мíлостиве, очісти мнóжества беззакóний на́ших.**

**И ны́не:**

**Молітвами Богорóдицы, Мíлостиве, очісти мнóжества беззакóний на́ших.**

**Таже, глас 6:**

**Помілуй мя, Бо́же, по вели́цей мíлости Твоёй, и по мнóжеству щедрóт Твои́х, очісти беззакóние моё.**

**Стихіра, глас то́йже:**

**Воскрёс Иису́с от грóба, я́коже прорече́, даде́ нам живóт вéчный и вéлиую мíлость.**

**Гóсподи, помілуй. 12.**

**Сла́ва, и ны́не:**

**КАНО́Н**

**Пёснь 1**

**Канóн Пасхи, глас 1**

**Ирмо́с:** Воскресéния день,/ просветі́мся, лю́дие./ Па́сха, Госпо́дня Па́сха:/ от сме́рти бо к жи́зни,/ и от землі́ к небеси́,/ Христо́с Бог нас преведе́, // побéдную пою́щия.

**Припе́в:** Христо́с воскресе́ из ме́ртвых.

**Очи́тим чу́вствия, и у́зрим/ непристу́пным све́том/ Воскресéния, Христа́/ блиста́ющася,/ и ра́дуйтеся, реку́ща,/ я́сно да услы́шим, // побéдную пою́ще.**

**Припе́в:** Христо́с воскресе́ из ме́ртвых.

**Небеса́ у́бо досто́йно да веселя́тся,/ земля́ же да ра́дуется,/ да пра́зднует же мир,/ ви́димый же весь и неvíдимый:/ Христо́с бо воста́, // весéлие вéчное.**

**Припе́в:** Пресвята́я Богорóдице, спаси́ нас.

**Умерщвлéния предéл сломі́ла еси́,/ вéчную жизнь ро́ждшая Христа́,/ из грóба возсия́вшего днесь,/ Де́во Всенепоро́чная, // и мир просветі́вшего.**

**Припе́в:** Пресвята́я Богорóдице, спаси́ нас.

**Воскрéсшаго видевши Сы́на Твоего́ и Бо́га,/ ра́дуйся со апо́столы  
Богоблагодáтная Чíстая:/ и е́же ра́дуйся пёрвее,/ я́ко всех ра́дости  
вина́, восприя́ла еси́,// Богома́ти Всенепоро́чная.**

**Кано́н святы́х, глас 3:**

**Припе́в: Святы́и равноапóстольнии Мефóдие и Кири́лле,  
моли́те Бо́га о нас.**

**Во́ды мяте́жа мирска́го преи́ти недоумевáя, преподо́бне Мефóдие,/  
оста́вил еси́ вся красна́я ми́ра сегó/ и, во а́нгельстем о́бразе на  
невидимы́я враги́ во́инства, Бо́гу еди́ному порабо́тал еси́, ра́достно  
воспевáя:// Тому́ еди́ному по́йм, я́ко просла́вился.**

**Припе́в: Святы́и равноапóстольнии Мефóдие и Кири́лле,  
моли́те Бо́га о нас.**

**Изра́нный сосу́д от пелён показáлся еси́, Кири́лле блаже́нне,/  
ю́ношеских шата́ний чужд яви́вся и Му́дрость Божéственную  
возлюби́в,/ те́мже Святы́я Правосла́вныя Це́ркве учéнием  
просвещéн,// и сам мно́гим учите́ль и просвети́тель был еси́.**

**Припе́в: Святы́и равноапóстольнии Мефóдие и Кири́лле,  
моли́те Бо́га о нас.**

**Вода́ми учéний ва́ших ороси́вшася,/ словéнския страны́ да́же  
додне́сь Влады́це Христу́ плоды́ благоприятны́ принóсят./ Сегó ра́ди  
ублажа́ет вас Свята́я Це́рковь, зову́щи:// от бед изба́вите нас,  
уго́дницы Христо́вы.**

**Припе́в: Пресвята́я Богоро́дице, спаси́ нас.**

**Во́ды грехо́вныя внидо́ша до ду́ш моея́, Влады́чице,/ и в тимéнии  
страсте́й углебо́х,/ к Тебе́ прибега́ю, Всенепоро́чная,/ нечи́стых  
помышлéний волне́ние утиши́// и ми́рное устроéние ми да́руй.**

**Кано́н Трио́ди (о слепо́м), глас 5:**

**Припе́в: Сла́ва Тебе́, Бо́же наш, сла́ва Тебе́.**

**Распя́тие во́льное воспри́м, Спа́се, плóтию,/ источи́л еси́  
благословéние, и жизнь ми́рови, Влады́ко,/ еди́не Всеблагословéнне, и  
всех Содо́телю./ Те́мже благослови́м Тя, поём и сла́вим, пою́ще,//  
воспевáюще побéдную песнь.**

**Припе́в: Сла́ва Тебе́, Бо́же наш, сла́ва Тебе́.**

**Чудеса́ пресла́вная сотворя́я, Изба́витель/ исцели́ и сле́па от  
рождéния,/ брéнием пома́зав, и рек:/ иди́ умыйся в Силоáме,/ я́ко да**

**позна́еши Мя Бóга/ по землі шéствующа, плоть носяща,// за милосéрдие щедрóт.**

**Слáва Отцú и Сы́ну и Свято́му Дúху.**

**Трои́чен: Едино́ Триипоста́сное Суще́ство почита́юще ве́рнии,/ просла́вим Отца́, и Сы́на, и Дúха пра́ваго,/ Творца́, и Го́спода, и Изба́вителя всех, еди́наго несозда́ннаго Бога,/ со безплóтными взыва́юще:// Свят, Свят, Свят еси́ Царю́.**

**И ны́не и прýсно и во ве́ки веко́в. Ами́нь.**

**Богородичен: Во утробу неискусобра́чную Твою́/ всели́ся, Чы́стая, Господь, за милосéрдие щедрóт,/ спасти́ хотя́ челове́ка истлéвшаго козньми́ вра́жиими./ Того́ úбо моли́, град сей спасти́// от вся́каго пленéния, и враго́в нашéствия.**

**Катава́сия Вознесéния, глас 5:**

**Спаси́телю Бóгу,/ в мо́ри лю́ди немóкрыми нога́ми наста́вльшему,/ и фара́на со всебо́инством потóплъшему,/ Тому́ еди́ному пойм,// я́ко просла́вися.**

**Песнь 3:**

**Канон Па́схи, глас 1:**

**Ирмос: Прииди́те, пи́во пи́ем но́вое,/ не от ка́мене непло́дна чудодéемое,/ но нетлéния истóчник/ из грóба одожди́вша Христа́,// в Нёмже утвержда́емся.**

**Припе́в: Христóс воскрéсе из мэртвых.**

**Ны́не вся испóлнишася свéта,/ néбо же и земля́, и преиспóдня:/ да прáзднует úбо вся тварь/ воста́ние Христóво,// в нёмже утвержда́ется.**

**Припе́в: Христóс воскрéсе из мэртвых.**

**Вчера́ спогребóхся Тебе́ Христé,/ совостаю́ днесь/ воскрéсшу Тебе́,/ сраспина́хся Тебе́ вчера́,// Сам мя спросла́ви Спа́се во Цáрствии Твоём.**

**Припе́в: Пресвята́я Богороди́це, спаси́ нас.**

**На нетлénную жизнь прихождú днесь/ бла́гостию рóждшагося из Тебе́, Чы́стая,// и всем концём свет облиста́вшаго.**

**Припе́в: Пресвята́я Богороди́це, спаси́ нас.**

**Бóга, Егóже родила́ еси́ плóтию,/ из мэртвых, я́коже рече́,/ воста́вша ви́девши, Чы́стая, лику́й,// и Сего́ я́ко Бóга Пречи́стая возвелича́й.**

**Канóн святы́х, глас 3:**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Глаго́л Господень, яко – иже по Мне ити́ хощет, да вóзмет крест свой, –/ слúхом сёрдца твоего́ услышав, преподóбне Мефóдие,/ крест и́ноческаго жити́я возложив на ра́мо твоё, послéдовал еси́ Христу́, // Егóже моли́, да и мене́, хладнаго, в любви́ Своёй утверди́т.**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Иже дрéвле Иáкову в сóннем видéнии лéствицу, к небеси́ возводя́щую, показá,/ Той и тебе́, свя́те Кири́лле, ещё́ óтроку сýщу, в дивнем сне Софи́ю дéву обручи́:/ се же бысть Престо́лу Егó приседя́щая Прему́дрость, // Яже в любви́ Всеви́шняго утверди́ тя.**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Иже от не сýщих вся Приведы́й, и вас, отцы́ досточúднии,/ от чре́ва ма́терия освяти́ в сосúды избрáнная Себе́,/ во е́же пронести́ И́мя Егó пред язы́ки;/ те́мже честну́ю па́мять ва́шу соверша́юще, мо́лим вас, Кири́лле и Мефóдие, // вла́ющийся ум наш во испове́дании пра́выя ве́ры утверди́ти.**

**Припéв:** Пресвята́я Богоро́дице, спаси́ нас.

**Яже ми́рови мир пода́вшая/ и Нача́льника тишины́ рóждшая,/ укроти́ во́лны страсте́й мо́их, Чы́стая, // и на ка́мени мя безстра́стия утверди́.**

**Кано́н Трио́ди (о слепóm), глас 5:**

**Припéв:** Сла́ва Тебе́, Бо́же наш, сла́ва Тебе́.

**Что́ яко ме́ртва и́щите Го́спода?/ Воскре́се, якоже рече́,/ А́нгел жена́м веща́ше, // блиста́яся божéственным зра́ком.**

**Припéв:** Сла́ва Тебе́, Бо́же наш, сла́ва Тебе́.

**Сле́па иногда́ от рожде́ния, присту́пльша к Тебе́/ исцели́л еси́ Всеще́дре, // сла́вяща смотре́ние Твоё́ и чудеса́.**

**Сла́ва Отцу́ и Сы́ну и Свято́му Ду́ху.**

**Трои́чен:** Бо́гу Отцу́ покланя́емся пребезнача́льному, и Сы́ну, и Божéственному Ду́ху, // тринесозда́нному Естеству́, Триипоста́сному, еди́ному Бо́гу всех.

**И ны́не и прýсно и во ве́ки веко́в. Ами́нь.**

**Богородичен: Из чрева девическа родила еси Бѣга воплощенна, // Емуже молися, Всесвятая Владычице, ущедрити нас.**

**Катавасія Вознесѣнія, глас 5:**

Силою Креста Твоего, Христе, / утверди мое помышление, / во еже пѣти и славити // спасительное Твое Вознесѣние.

**Господи, помилуй. Трижды.**

**Слава, и ныне:**

**Кондак святых, глас 3:**

**Священную двѣицу просветителей наших почтим, / Божественных писаний преложением источник Богопознания нам источивших, / из негоже даже доднесь неоскудно почерпающе, / ублажаем вас, Кирилле и Мефодие, / Престолу Вышняго предстоящих / и тепле молящихся о душах наших.**

**Икос:**

**В добродѣтели просиявшия проповѣдники благочестия, / истинныя столпы и основанія Церкви, / трубы Божественныя Христоваго догмата, / Богоносныя отцы Мефодия и Кирилла, приидите, вернии, восхвалим: / тии бо, мрак неверія от нас отгнавши / и ереси нечестія огнем Духа попаливши, / преложением писаний род словенский из дивія маслины в благоплодную прменіша, / и Божественным Крещением в веру Христову приведоша, / и вселенную всю множеством чудес исполниша. / Того ради днесь аки венценосцы предстоят Вседержителю Богу, к нимже возопийм: / отцы Божественнии и равноапостольный, / предстательством вашим даруйте всем племеном словенским в правовѣрии твердость и единомыслие, // тепле молящиеся о душах наших.**

**Седален святых, глас 4:**

**Уподобил еси солнцу Троицу Святую Единосущную, Кирилле Богодухновенне, / во образ Святыя Троицы зримому на небеси солнцу создану быти, глаголя: / подобие Бѣга Отца солнечный круг есть, / не имый конца, ни начала, / и, якоже от круга солнечна исходит луча света, поднебесную просвещая, / сиче от Бѣга Отца раждается Сын, Отчее сияние, / теплоты же, вселенную оживляющая, / от тогожде**

кру́га кúпно с луче́ю излива́емая,/ подобие есть Ду́ха Свята́го,/ от Того́жде Отца́ исходя́щаго./ Дивному учéнию твоёму́ внéмлюще,/ и мы в Трóице Еди́ному Бо́гу поклоня́емся,// па́мять же твою́ ублажа́ем, досточúдне.

Сла́ва, и ны́не:

Седáлен Трйóди (о слепóm), глас 8, подóбен: «Премúдрости...»:

**Всех Влады́ка и Творец прехо́дя,/ обрете́ на пу́ти сле́па седя́ща, пла́чуща и глаго́люща:/ не ви́дех в жити́и со́лнца сия́юща,/ ниже́ луны́ све́та озаря́ющаго./ Те́мже вопи́ю Ти:/ рождéйся от Дéвы, просвещéй вся́ческая,/ просвети́ мя я́ко благоутро́бен,/ да зову́ припа́дая Тебе́, Влады́ко Христé Бо́же:/ прегрешéний оставлéние да́руй,// за мно́жество мýлости нам, Человеколю́бче.**

#### **Песнь 4**

Канóн Пасхи, глас 1

**Ирмо́с:** На Божéственной стра́жи / богоглаго́ливый Авваку́м / да ста́нет с на́ми и пока́жет / светно́сна А́нгела / я́сно глаго́люща: / днесь спасéние мýру, / я́ко воскресе́ Христóс, // я́ко всесýлен.

**Припéв:** Христóс воскресе́ из мёртвых.

**Мýжеский úбо пол,/ я́ко развёрзый дéвственную утробу,/ явй́ся Христóс:/ я́ко человек же,/ А́гнец наречéся:/ непорóчен же,/ я́ко невкусен сквёрны,/ на́ша Пáсха,/ и я́ко Бог й́стинен// совершён речéся.**

**Припéв:** Христóс воскресе́ из мёртвых.

**Я́ко еди́нолётный а́гнец,/ благословéнный нам венéц Христóс,/ во́лею за всех заклáн бысть,/ Пáсха чистительная,/ и па́ки из грóба крáсное// пра́вды нам возсия́ Со́лнце.**

**Припéв:** Пресвятáя Богорóдице, спаси́ нас.

**Сзда́вый Ада́ма, Твоего́ пра́отца, Чýстая,/ зй́ждется от Тебе́,/ и смёртное жили́ще разори́ Своёю смёртию́ днесь,/ и озари́ вся// божéственными блиста́ньми воскресéния.**

**Припéв:** Пресвятáя Богорóдице, спаси́ нас.

**Его́же родила́ еси́ Христá,/ прекра́сно из мёртвых возсия́вша,**

**Чы́стая, зря́щи,/ до́брая и непоро́чная в жена́х и кра́сная,/ днесь во спасéние всех,// со апóстола ра́дующися, Того́ прославля́й.**

**Кано́н святы́х, глас 3:**

**Припе́в:** Святы́и равноапóстольнии Мефóдие и Кири́лле, моли́те Бо́га о нас.

**Положи́л еси́ хранéние за́поведей, я́ко ка́мень краеуго́лен,/ на нёмже созида́я хра́мину души́ твоея́, преподо́бне Мефóдие,/ Ду́ха Свята́го селéние сотвори́л ю еси́;/ аз же, селéние греха́ сый, к тебе́ припада́ю, всеблаже́нне,/ очисти́ мя росóю моли́тв твои́х, да зову́, благодаря́:// сла́ва си́ле Твое́й, Го́споди.**

**Припе́в:** Святы́и равноапóстольнии Мефóдие и Кири́лле, моли́те Бо́га о нас.

**Даждь ми, да разумéю, что есть уго́дно Тебе́, Влады́ко, –/ взыва́л еси́, блаже́нне Кири́лле,/ егда́ со ю́ным царём в научéние кни́жное вдан был еси́./ Сего́ ра́ди, кúпно со внешне́м любомúдрием,/ Ду́ха премúдрости и стра́ха Бо́жия свы́ше прия́л еси́,/ земну́ю же мúдрость ни во что́же вмени́л еси́, зовы́й:// сла́ва си́ле Твое́й, Го́споди.**

**Припе́в:** Святы́и равноапóстольнии Мефóдие и Кири́лле, моли́те Бо́га о нас.

**Положи́л еси́ любóвь к Зиждите́лю твоему́, я́ко печа́ть, на се́рдце твоём, всеблаже́нне./ Сего́ ра́ди земну́ю обрúчницу и сла́ву ми́ра сего́ отрёнул еси́, Кири́лле,/ и, я́ко пти́ца, от се́ти ловя́щих бе́гая,/ в т́хое пристáнище ино́чествующих дости́гл еси́/ и в рíзу ра́дования облéклся еси́, воспева́я со Мефóдием:// сла́ва си́ле Твое́й, Го́споди.**

**Припе́в:** Пресвята́я Богороди́це, спаси́ нас.

**Положи́в беззако́ния и неправды́ моя́ предо мно́ю,/ ви́жду, я́ко па́че песка́ морска́го умно́жишася./ К Тебе́ прибега́ю, Всенепоро́чная,/ стру́пы души́ моея́ исцели́,/ да зову́ к Ро́ждшемуся от Тебе́, благодаря́:// сла́ва си́ле Твое́й, Го́споди.**

**Кано́н Триоди (о слепо́м), глас 5:**

**Припе́в:** Сла́ва Тебе́, Бо́же наш, сла́ва Тебе́.

**Ученико́м, Го́споди, соводворя́ясь пресла́вно,/ сим глаго́лал еси́: иди́те,// проповéдите всю́ду Моё Воскресéние.**

**Припе́в:** Сла́ва Тебе́, Бо́же наш, сла́ва Тебе́.

**Воочы́л еси́ Го́споди, слéпа из утрóбы рождéнна, рек:// иди́, умыйся, и прозри́, Моé сла́ва Божество́.**

**Сла́ва Отцу́ и Сы́ну и Свято́му Ду́ху.**

**Трои́чен: Единочéстная, безнача́льная Трои́це,/ нераздéльная Существо́м, раздéльна Ипостáсьми,// спасáй вся, вёрно Ты стра́хом сла́влящия.**

**И ны́не и прýсно и во вéки векóв. Амýнь.**

**Богородичен: Рождество́ Твое́, Чýстая éже пáче естества́/ славослóвим, блажа́ще вёрно Тебé, Пренепорóчная,// я́ко Бо́га всех Родíteльницу.**

**Катав́asia Вознесéния, глас 5:**

**Услы́шах слух сýлы Крестá,/ я́ко рай отвéрзся им,/ и возопíх:// сла́ва сýле Твое́й Го́споди.**

### **Песнь 5**

**Ирмо́с: У́тренюем у́треннюю глубокú, / и вмéсто мýра песнь принесéм Влады́це, / и Христá у́зрим / правды Сóлнце, // всем жизнь возсия́юща.**

**Припéв: Христóс воскрéсе из мёртвых.**

**Безмéрное Твое́ благоутрóбие,/ áдовыми úзами содержи́мии зря́ще,/ к свéту идя́ху, Христé,/ весéлыми ногáми,// Пáсху хва́ляще вéчную.**

**Припéв: Христóс воскрéсе из мёртвых.**

**Присту́пим священóснии,/ исходя́щу Христú из грóба, я́ко женихú,/ и спрáзднуем любопрáзднственными чýнми// Пáсху Бóжию спасíteльную.**

**Припéв: Пресвятáя Богородице, спаси́ нас.**

**Просвещáется божéственными лучáми и живонóсными/ воскресéния Сы́на Твоегó,/ Богомáти Пречýстая,// и рáдости исполня́ется благочестýвых собрáние.**

**Припéв: Пресвятáя Богородице, спаси́ нас.**

**Не развэ́рзл еси́ вратá дéвства в воплощéнии,/ грóба не разруши́л еси́ печáтей, Царю́ создáния:// отонúдуже воскрéсшаго Ты зря́щи, Мáти, рáдовашеся.**

**Канóн святýх, глас 3:**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Я**ко крин благоухáнный, в пусты́ни процвёл еси́, преподóбне Мефóдие,/ молитвами, бдением и пощением дúшу твою́ украшáя,/ и, на земли́ равноáнгельно пожив,/ ны́не со Áнгелы свéто созерца́еши Свéта Невечéрня// и мíром Влады́чествующа.

**Припéв:** Святíи равноапóстольнии Мефóдие и Кири́лле, моли́те Бóга о нас.

**О**т Áнгел сла́вы доноси́мому моля́ся в пусты́ни, Кири́лле,/ ну́ждею в Цáрствующий град возвращён был еси́/ и сáном священства украси́лся еси́,/ да путь спасения́ челове́ком пока́жеша,/ свéтом учения́ просвещáя и Безкрóвную Жéртву о всех принося́ Свéту Невечéрнему// и мíром Влады́чествующу.

**Припéв:** Святíи равноапóстольнии Мефóдие и Кири́лле, моли́те Бóга о нас.

**Я**ко кладязь премúдрости неисчерпа́емый, яви́лся еси́, Богонóсе Кири́лле,/ егда́ в сарацы́ны на препрeние хулящих Пресвятúю Трóицу от царя́ послан был еси́:/ не возмогóша бо мутными вода́ми злоучения́ потопи́ти тя,// Свéтом Невечéрним свы́ше озаря́ема.

**Припéв:** Пресвятáя Богородице, спаси́ нас.

**Я**ко дре́во непло́дное, сый,/ ка́ко не ужаса́юся грóзнаго посечения́, о ока́нный аз!/ Ско́ро притецы́ ко Богоблагодáтней, душе́ моя́:/ áще бо не Она́ заступит тя,// узрети́ не ймаши Свéта Невечéрня и мíром Влады́чествующа.

**Канóн Трiоди (о слепóm), глас 5:**

**Припéв:** Сла́ва Тебе́, Бóже наш, сла́ва Тебе́.

**Ч**удеса́ вéлия соделовающаго, Сло́ве, на земли́,/ лю́дие убíша Тя, беззакóннии:/ но Сам, Гóсподи, еди́н всеси́лен сый, я́коже предрéкл еси́,// из мёртвых воскрéсл еси́, Христé.

**Припéв:** Сла́ва Тебе́, Бóже наш, сла́ва Тебе́.

**О**чи отвёрзл невиде́вшаго свет чу́вственный,/ души́ просвети́л еси́ зéницы,/ и сла́вити сотвори́л еси́ сегó, позна́вша Тя, Творца́,// за благоутрóбие яви́вшася челове́ка.

Сла́ва Отцу́ и Сы́ну и Свято́му Дúху.

**Троичен:** Трѣицу во Едѣнице,/ и в Трѣице Едѣницу, вѣрнии,  
славослѣвим вси,/ Отца́ и Сы́на, и Дѣ́ха Пра́ваго,// едѣнаго Бѣ́га,  
Содѣтеля всех воѣстинну.

**И** нѣне и прѣсно и во вѣки веко́в. Амѣнь.

**Богородичен:** Ка́ко родила́ еси́, богоблагодѣтная Дѣво Ма́ти Чѣ́стая,  
не позна́вши иску́са му́жеска?/ Ка́ко пита́еши Пита́ющаго всю тварь?//  
Якоже един вестъ Сам, всех Творѣц и Бог.

**Катавасія Вознесѣнія, глас 5:**

У́треннююще вопіѣм Ти/ Го́споди, спасі ны:/ Ты бо еси́ Бог наш,// рѣзве  
бо Тебѣ ино́го не знаѣм.

## **Песнь 6**

**Канѣн Пасхи, глас 1**

**Ирмо́с:** Снизше́л еси́ в преиспо́дня земли́, / и сокруши́л еси́ верей  
вѣчныя, / содержа́щія связа́нныя, Христе́, / и тридне́вен, я́ко от кѣ́та Ио́на,  
// воскре́сл еси́ от грѣ́ба.

**Припе́в:** Христо́с воскре́се из ме́ртвых.

**Сохрани́в це́ла зна́менія Христе́,/ воскре́сл еси́ от грѣ́ба,/ ключи́  
Дѣвы не вредѣ́вый в рождествѣ́ Твоѣ́м,// и отве́рзл еси́ нам ра́йскія  
двѣ́ри.**

**Припе́в:** Христо́с воскре́се из ме́ртвых.

**Спа́се мой,/ живо́е же и неже́ртвенное зако́леніе,/ я́ко Бог Сам  
Себе́/ во́лею привѣ́л Отцу́,/ совоскре́сил еси́ всерѣ́днаго Ада́ма,//  
воскре́с от грѣ́ба.**

**Припе́в:** Пресвята́я Богоро́дице, спасі нас.

**Возведѣ́ся дрѣ́вле держѣ́мое сме́ртію и тлѣ́ніем,/ воплотѣ́вшимся  
от Твоѣ́го пречѣ́стаго чре́ва,/ к нетлѣ́нной и присносу́щней жи́зни,//  
Богоро́дице Дѣво.**

**Припе́в:** Пресвята́я Богоро́дице, спасі нас.

**Сни́де в преиспо́дня земли́,/ в ложесна́ Твоѣ́я, Чѣ́стая, сше́дый,/ и  
всели́выйся и воплотѣ́выйся па́че ума́,/ и воздвѣ́же с Собо́ю Ада́ма,//  
воскре́с от грѣ́ба.**

**Канѣн святы́х, глас 3:**

**Припе́в:** Святы́и равноапѣ́стольнии Мефѣ́діе и Кири́лле,  
моли́те Бѣ́га о нас.

**Се, яко пучина морская, естество Божие есть,/ непостижимое умом и неизреченное глаголы, -/ рекл еси ко агаряном, премудре Кирилле, -/ тую бо пучину кроме святого Евангелия преплыти хотящий потопляются, не ведуще пети:// яко Петра ны, Управителю, спаси.**

**Припев:** Святии равноапостольнии Мефодие и Кирилле, молите Бога о нас.

**В бездне разума лжеименного углубшии агаряне/ тайно яд смертный предложша тебе;/ рекый же во Евангелии Христос:/ яко аще что смертно испиете, не вредит вы, -/ соблюде ты цела и с честью в Царствующий град возврати./ Ты же, царем и патриархом достойно ублажаемь,/ не превознеслся еси и зывати не престал еси:// яко Петра мя, Управителю, спаси.**

**Припев:** Святии равноапостольнии Мефодие и Кирилле, молите Бога о нас.

**Древле рекый Божественный Дух:/ отделите Ми Варнаву и Савла на дело, на неже призвах их;/ подобне и вас, отцы преподобнии,/ в словенския страны послати повеле,/ и тако людие, во тьме и сени смертней сидящи,/ светом учения вашего просветившися, воззваша:// яко Петра ны, Управителю, спасл еси.**

**Припев:** Пресвятая Богородице, спаси нас.

**Бездна последняя грехов обиде мя,/ и, трепетом одержимь есмь, ужасаяся всеконечного потопления./ Темже мольбу приношу Ти, Пренепорочная:/ помилуй страстную мою душу,/ простри руку Твою, яко Благая,/ и, яко Петра спасе Сын Твой,// тако мя, Управительнице, спаси.**

**Канон Троицы (о слепом), глас 5:**

**Припев:** Слава Тебе, Боже наш, слава Тебе.

**Положиша без дыхания Тебе мертва, Христэ, во гробе,/ всем мертвым вдыхающа жизнь:/ воскресл же еси, Господи, вся истощивый, Слове, гробы,// Божественною Твоею силою.**

**Припев:** Слава Тебе, Боже наш, слава Тебе.

**Брение сотвори, очи слепого от рождения помазал еси,/ и даровал еси ему прозрети,// поющу Твою, Слове, неизреченную силу, еюже спасл еси мир.**

**Слава Отцу и Сыну и Святому Духу.**

**Троичен:** Триипоста́сная Еди́нице,/ О́тче нерождённе, Сы́не рождённе, и Ду́ше исхо́дне,/ Трисвяты́й Го́споди, еди́но Суще́ство и си́ла,// спасáй вся лю́ди Твоя́.

**И** ны́не и прýсно и во ве́ки веко́в. Ами́нь.

**Богородичен:** Вели́чия Твоя́, Чи́стая, кто испове́сть?/ Бо́га бо плóтию родила́ еси́ преесте́ственно,// мир Тобо́ю избавля́ющаго, Де́во Всенепоро́чная, от вся́каго греха́.

**Катава́сия Вознесе́ния, глас 5:**

Обы́де мя бездна,/ гроб мне кит бысть,/ аз же возопи́х к Тебе́, Человеколю́бцу,// и спасе́ мя десни́ца Твоя́, Го́споди.

**Го́споди, поми́луй. Тры́жды.**

**Сла́ва, и ны́не:**

**Конда́к пра́здника Тры́оди (о слепóm), глас 4:**

**Душе́вныма очы́ма ослеплён,/ к Тебе́, Христе́, прихо́жду,/ я́коже слепы́й от рождё́ния,/ пока́йнием зову́ Ти:// Ты су́щих во тьме Свет пресве́тлый.**

**И́кос:**

**Струю́ ми да́руй, Христе́, премýдрости неизрече́нныя, и ра́зума го́рняго,/ све́те су́щих во тьме, и прельща́емых наста́вниче,/ да возмо́гу чудеса́ Твоя́ пове́дати, ока́янный,/ я́же боже́ственная кни́га научи́ Ева́нгелиа ми́ра,/ си́есть, слепáго чудотворе́ние:/ я́ко от рождё́ния слеп сый,/ о́чи чу́ственныя прие́млет и душе́вныя, ве́рою взывáя:// Ты су́щих во тьме свет пресве́тлый.**

**Песнь 7**

**Кано́н Пасхи, глас 1**

**Ирмо́с:** О́троки от пе́щи изба́вивый, / быв Чело́век, / стра́ждет я́ко сме́ртен, / и стра́стию сме́ртное, / в нетле́ния облачи́т благоле́пие,/ Еди́н благослове́н //отце́в Бог и препросла́влен.

**Припе́в:** Христо́с воскресе́ из ме́ртвых.

**Жены́ с ми́ры богомýдрыя в след Тебе́ теча́ху:/ Его́же, я́ко ме́ртва, со слезáми иска́ху,/ поклони́шася ра́дующияся Живóму Бо́гу,/ и Па́сху та́йную// Твои́м, Христе́, ученико́м благовести́ша.**

**Припе́в:** Христо́с воскресе́ из ме́ртвых.

**Смёрти прáзднуем умерщвлéние,/ áдово разрушéние,/ инóго житиá вéчнаго начáло,/ и игра́юще поём Винóвнаго,/ Еди́наго благословéннаго// отцёв Бóга, и препрослáвленнаго.**

**Припéв:** Пресвятáя Богорóдице, спаси́ нас.

**Умертвív Сын Твой смерть, Всенепорóчная, днесь,/ всем смёртным пребывáющий живóт/ во вéки векóв даровá,/ еди́н благословéнный// отцёв Бог и препрослáвленный.**

**Припéв:** Пресвятáя Богорóдице, спаси́ нас.

**Всем цáрствуяй создáнием, быв человек,/ всели́ся в Твою́, Богоблагодáтная, утрóбу,/ и распя́тие претерпéв и смерть,/ воскрéсе боголéпно,// совозстáвив нас я́ко всеси́лен.**

**Канóн святýх, глас 3:**

**Припéв:** Святii равноапóстольнии Мефóдие и Кири́лле, моли́те Бóга о нáс.

**Пре́жде еди́н со Еди́ным пребывáя,/ дýшу твою́, я́ко рай богонасаждéнный, сотвори́л еси́, Мефóдие,/ та́же на прóповедь апóстольскую кúпно с Богомúдным Кири́ллом шед,/ во странáх словéнских потрудíлся еси́,/ идéже, я́ко óтроцы, огнём нечéстия неопалéями, воспеváете:// отцёв Бóже, благословéн еси́.**

**Припéв:** Святii равноапóстольнии Мефóдие и Кири́лле, моли́те Бóга о нáс.

**Иудéи и сарацы́ны препрёл еси́, премúдре Кири́лле,/ и страну́ Хазáрскую святýм Крещéнием просветíл еси́, úзников мнóжество свобождáя,/ и в пусты́ни безвóдней вóду слáную в слáдкую преложíл еси́./ Людие же, спасéнии тобóю, воспеváху:// отцёв Бóже, благословéн еси́.**

**Припéв:** Святii равноапóстольнии Мефóдие и Кири́лле, моли́те Бóга о нáс.

**Сосúди избрáннии бýсте, отцы́ преподóбнии, пронести́ Имя Госпóдне пред язы́ки,/ сегó ráди и ины́ страны́ словéнския возжелéша свéтом учéния вáшего озарíтися./ Вы же предсудíсте слáдость безмóлвия на труд апóстольский пременíти,/ да мнóжайшия Христу́ приобрета́ете и кúпно с ними́ воспоéте:// отцёв Бóже, благословéн еси́.**

**Припéв:** Пресвятáя Богорóдице, спаси́ нас.

**Сосúд полн страстéй еемь, Пресвятáя Богорóдице Дéво,/ и смёрти óныя послéдния и óгненнаго прещéния страшýся./ Но Ты, Пречíстая,**

**спаси́ мя, погиба́ющего,/ крѣпостию препоя́ши дух мой,/ да плени́цы грехо́вныя расто́рг, благодарственнó воспóю:// Избáвителя пленѣнных рóждшая, благословѣна еси́.**

**Канóн Триóди (о слепóм), глас 5:**

**Припѣв:** Слáва Тебѣ, Бóже наш, слáва Тебѣ.

**Востáвшу Ти из мѣртвых, Царю́,/ дýши совозстáша тáмо спя́щия,/ сла́влящия си́лу Твою́.// Ёюже смѣртныя ўзы разреши́шася.**

**Припѣв:** Слáва Тебѣ, Бóже наш, слáва Тебѣ.

**Брѣнием помáзал еси́ óчи слепáго,/ и семý повелѣл еси́ к Силоáму ити́,/ омýвся же, прозрѣ,// песнослóвья Тя, Христѣ, Царю́ всех.**

**Слáва Отцý и Сы́ну и Свято́му Дýху.**

**Трои́чен: Отцá безначальна, собезначальна же Сы́на, и Дýха Пресвятаго песнословим:// Свят, Свят, Свят еси́, Бóже, Царю́ всех.**

**И ны́не и прѣсно и во вѣки веко́в. Амѣнь.**

**Богородичен: По рождествѣ Дѣва яви́лася еси́, Чѣстая,/ Бóга бо родила́ еси́,/ обновѣвшаго естества́, Пречѣстая, си́лою Своёю:// Егóже моли́ спастѣся всем нам.**

**Катавáсия Вознесѣния, глас 5:**

**В пещи́ óгненной/ песнослóвцы спаси́й óтроки,// благословѣн Бог отѣц на́ших.**

## **Песнь 8**

**Канóн Пасхи, глас 1**

**Ирмо́с: Сей наречѣнный и святýй день, / Едѣн суббóт Царь и Госпóдь, / прáздников прáздник / и торжество́ есть торжѣств, // вóньже благослови́м Христá во вѣки.**

**Припѣв:** Христóс воскрѣсе из мѣртвых.

**Приидѣте, нóваго виногрáда рожде́ния,/ Божѣственнаго весѣлия,/ в нарóчитом дни Воскресѣния,/ Цáрствия Христóва приобщи́мся,/ пою́ще Егó,// я́ко Бóга, во вѣки.**

**Припѣв:** Христóс воскрѣсе из мѣртвых.

**Возведи́ óкрест óчи твои́, Сиóне, и виждь:// се бо приидóша к тебѣ,/ я́ко богосвѣтлая свети́ла,/ от зáпада, и сѣвера, и мóря,/ и восто́ка ча́да твоя́,// в тебѣ благословя́щая Христá во вѣки.**

**Припѣв:** Пресвятáя Богорóдице, спаси́ нас.

**Прииде Тобѣю в мир Господь, Дѣво Богородице,/ и чрево адово  
расторг,/ смѣртным нам воскресѣніе дарова:// Тѣмже благословим  
Его во вѣки.**

**Припѣв:** Пресвятая Богородице, спаси нас.

**Всю низложив смѣрти державу Сын Твой, Дѣво,/ Своим  
воскресѣніем,/ яко Бог крепкий совознесѣ нас и обожі:// тѣмже  
воспеваем Его во вѣки.**

**Канѣн святых, глас 3:**

**Припѣв:** Святїи равноапѣстольнии Мефѣдіе и Кирылле,  
молїте Бѣга о нас.

**Невещественным свѣтом благодати вѣну озаряемь,/ приыл еси сан  
священства, блаженне Кирылле,/ и споспешествующу тебѣ Духу  
Святѣму, писмена словѣнская избрѣл еси,/ да богодухновенных книг  
на срѣдную им бесѣду преложѣніем людіе просветившеея, воспоют://  
благословите, вся дела Господня, Господа.**

**Припѣв:** Святїи равноапѣстольнии Мефѣдіе и Кирылле,  
молїте Бѣга о нас.

**Первее сына Грѣмова неземных глаголы: в началѣ бе Слово, -/ яко  
вѣры наша главизну возгремѣли есте, отцы всехвальнии./ Тѣмже  
псалтирь сладкогласную на глаголы словѣнския преложїли есте,/  
ѣюже и ныне Святая Церковь, веселящися, взывает:// благословите,  
вся дела Господня, Господа.**

**Припѣв:** Святїи равноапѣстольнии Мефѣдіе и Кирылле,  
молїте Бѣга о нас.

**Невещественным сокровищем обогатїте нас, отцы досточуднии:/  
Божественная бо Литургия на языке словѣнском начатся от вас  
совершатся./ Сея благодати и мы доднѣсь причастницы суще,  
воспеваем Бѣга, глаголюще:// благословите, вся дела Господня,  
Господа.**

**Припѣв:** Пресвятая Богородице, спаси нас.

**Огнь искушений и напастей злых обидѣ мя,/ к Тебѣ прибегаю,  
Богородице Дѣво:/ не презри, Чистая, молений раба Твоего,/ от  
одержавших мя лютых избави,// да, благословляя, благословлю  
Тя и превознесу имя Твое во вѣки.**

**Канѣн Троицы (о слѣпѣм), глас 5:**

**Припѣв:** Слава Тебѣ, Бѣже наш, слава Тебѣ.

**Сотворяя чудеса́, Христé, изрядная, / во́лею воздв́ижен был еси́ на Крест, / и с ме́ртвыми совокуп́лся еси́, умертв́ивый а́да, // и вся му́жеством отреш́ил еси́ у́зники.**

**Припе́в:** Сла́ва Тебе́, Бо́же наш, сла́ва Тебе́.

**Слепа́го воочи́л еси́ к Тебе́ приступи́вша, Христé, / сему́ повеле́вый в Силоа́мову купе́ль ити́, / омы́тися и прозрети́, и Бо́га Тя пропове́дати, // плóтию яви́вшагося во спасе́ние мира.**

Сла́ва Отцу́ и Сы́ну и Свято́му Ду́ху.

**Трои́чен:** Трѳи́це неразде́льная, Еди́нице неслия́нная, / Бо́же вся́ческих и Зижди́телю всех, / песносло́влящия и ве́рно покланя́ющияся держа́ве Твое́й, // от вся́ких искуше́ний спасáй.

**И** ны́не и прѳсно и во ве́ки веко́в. Ами́нь.

**Богородичен:** Де́во Пречи́стая, богоблагодáтная, / Твоего́ моли́ Сы́на всегда́, // да не посрамѳт мя в день осужде́ния, но сочтѳт избра́нным овца́м.

Хва́лим, благослови́м, покланя́емся Го́сподеви, пою́ще и превозно́сюще во вся ве́ки.

**Катава́сия Вознесе́ния, глас 5:**

**Из** Отца́ пре́жде век рождѳннаго Сы́на и Бо́га, / и в послѳдняя лѳта воплоще́ннаго от Де́вы Ма́тере, / священни́цы по́йте, // лю́дие превозно́сите во вся ве́ки.

**Честнейшую не поем.**

## **Песнь 9**

**Кано́н Пасхи, глас 1**

**Ирмо́с:** Светѳся, светѳся, / но́вый Иерусали́ме, / сла́ва бо Госпо́дня / на тебе́ возсия́. / Лику́й ны́не и весели́ся, Сио́не. / Ты же, Чи́стая, красу́йся, Богоро́дице, // о воста́нии Рожде́ства Твоего́.

**Припе́в:** Христóс воскресе́ из ме́ртвых.

**О** Божѳственнаго, о любѳзнаго, / о сладча́йшаго Твоего́ гла́са! / С на́ми бо нелóжно / обеща́лся еси́ бы́ти, / до сконча́ния ве́ка, Христé: / Его́же, ве́рнии, // утвержде́ние наде́жди иму́ще, раду́емся.

**Припе́в:** Христóс воскресе́ из ме́ртвых.

**О Пáсха вéлия и священнейшая, Христé!// О мýдросте, и Сло́ве Бóжий, и síло!// Подава́й нам íстее Тебé причаща́тися,// в невечéрном дни Цáрствия Твоегó.**

**Припéв:** Пресвятáя Богорóдице, спаси́ нас.

**Соглáсно, Дéво, Тебé блажím вёрнии:/ ráдуйся, двéре Госпóдня:/ ráдуйся, гра́де одушевлéнный:/ ráдуйся, Ея́же ráди нам нýне возсия́ свет,// из Тебé Рождéннаго из мёртвых Воскресéния.**

**Припéв:** Пресвятáя Богорóдице, спаси́ нас.

**Весел́ся и ráдуйся божéственная двéре Свéта:/ зашéдый бо Исус во гроб возсия́,/ просия́в со́лнца светлée,/ и вёрныя вся озари́в,// Богора́дованная Влады́чице.**

**Канóн святы́х, глас 3:**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Тебé по достоя́нию восхвал́ити кто возмо́жет, Мефóдие всеслáвне?/ Пóдвиги и труды́ тво́я,/ я́же апóстольски спасéния ráди людéй заблúждших подъя́л еси́, Кири́лле, кто изочтёт?/ Пáче же мы, ва́ми слáвити Бóга Вы́шняго на срóднем нам язýице науч́ившеся,// единомýдренно и вас с Ним велича́ем.**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Тебé, Кири́лле блажéнне, я́ко ужé дéло соверши́вшу и течéние сконча́вшу,/ бысть извещéние свы́ше о конч́ине твоéй,/ éже при́им, ráдостно воспéл еси:/ о рéкших мне, вни́дем во дворы́ Госпóдни, возвесел́ся дух мой./ Тáже вожделéв, в Гóрняя душéю вознéслся еси́,// идéже с Небéсными síлами Трóицу Единосúщную в́ину велича́еши.**

**Припéв:** Святíи равноапóстольнии Мефóдие и Кири́лле, моли́те Бóга о нас.

**Цéркве Морáвския епíскопство при́ем, преподóбне Мефóдие,/ мнóгия труды́ и пóдвиги, вéру святу́ю возвещáя, подъя́л еси́,/ мнóгия беды́ и изгнáния претерпéл еси́,/ нýне же кúпно со святým Кири́ллом в Вы́шних ráдующеся, моли́теся о нас,// да мы я́ко застúпники и ходáтаи нáша в́ину вас велича́ем.**

**Припéв:** Пресвятáя Богорóдице, спаси́ нас.

**Превы́шшая А́нгел и Херувим честне́йшая,/ предста́тельством  
святы́х Кири́лла и Мефóдия, на на́ше смире́ние умилосе́рдися, мо́лим  
Ти ся,/ из глубины́ грехо́вныя возведи́ и ве́чнаго осужде́ния нас  
изба́ви,// да купно́ с ними́ Тебе́, Ма́терь Све́та и Богоро́дицу, наде́жду  
всех нас, велича́ем.**

**Кано́н Трио́ди (о слепо́м), глас 5:**

**Припе́в: Сла́ва Тебе́, Бо́же наш, сла́ва Тебе́.**

**Зна́мения сотворя́юща, и чудеса́ стра́шная,/ собо́р евре́йский зря,  
за́вистию уби́,/ плени́вшего ад Воскресе́нием Свои́м,// и всех, я́ко  
си́лен, возста́вляющаго.**

**Припе́в: Сла́ва Тебе́, Бо́же наш, сла́ва Тебе́.**

**Воста́л еси́, я́коже рекл еси́, Животода́вче, из ме́ртвых,/ и яви́лся еси́  
святы́м ученико́м по воста́нии,/ зна́мения сотвори́вый, и воочи́вый  
слепы́я:// с ними́же Тя во ве́ки велича́ем.**

**Сла́ва Отцу́ и Сы́ну и Свято́му Ду́ху.**

**Трои́чен: Свет Отца́ чту, Свет сла́влю и Сы́на, Свет воспева́ю Ду́ха  
Пра́ваго,/ еди́н Свет неразде́льный, в три́ех Ли́цах разумева́емый,//  
Бо́га Ца́ря все́я тва́ри.**

**И ны́не и прі́сно и во ве́ки веко́в. Ами́нь.**

**Богородичен: Яви́вшисья простра́ннейшая небе́с, Де́во Чи́стая,  
вместі́ла еси́ плóтию Бо́га неопі́саннаго,/ и родила́ еси́ всех  
Изва́ление,// ве́рою несумне́нною воспева́ющих Тя.**

**Катава́сия Вознесе́ния, глас 5:**

**Тя па́че ума́ и словесе́ Ма́терь Бо́жию,/ в ле́то Безле́тнаго неизрече́нно  
ро́ждшую,// ве́рнии единому́дренно велича́ем.**

**Го́споди, поми́луй. Трижды.**

**Сла́ва, и ны́не:**

**Свят Го́сподь Бог наш. Свят Го́сподь Бог наш. Свят Го́сподь Бог наш.**

**Свети́лен Па́схи, самогла́сен:**

**Пло́тию усну́в,/ я́ко мертв,/ Ца́рю и Го́споди,/ тридне́вен воскре́сл еси́,  
Ада́ма воздвиг от тли,/ и упраздни́в смерть:/ Па́сха нетле́ния,// ми́ра  
спасе́ние.**

**Сла́ва:**

**Свети́лен святы́х:**

Учы́тели святы́и,/ па́мять ва́шу свѣтло пра́зднующе,/ мо́лим вас всеу́сérдно:/ язы́ки, ихже сокрови́щем благовѣ́стия обогати́сте,/ на ка́мени исповѣ́дания Христо́ва утверди́те, // и соблюди́те в ми́ре живóт наш.

И ны́не:

**Светы́лен Триóди (о слепóm):**

У́мныя мой о́чи,/ ослепле́нныя, Го́споди, от мра́чнаго греха́, Ты просвети́,/ вложи́в, Ще́дре, смире́ние, // и пока́яния омый слеза́ми.

**ХВАЛИ́ТНЫ ПСАЛМЫ, ГЛАС 5:**

Вся́кое дыха́ние да хва́лит Го́спода. Хвалите́ Го́спода с небѣс, хвалите́ Его́ в вы́шних. Тебе́ подоба́ет песнь Бо́гу. Хвалите́ Его́, вси А́нгели Его́, хвалите́ Его́, вся Си́лы Его́. Тебе́ подоба́ет песнь Бо́гу.

*(в приходской практике пропускается до стихир) :* Хвалите́ Его́, со́лнце и луна́, хвалите́ Его́, вся звѣзды и свет. Хвалите́ Его́ Небеса́ небѣс и вода́, яже превы́ше небѣс. Да восхва́лят и́мя Господне: я́ко Той рече́, и бы́ша, Той повеле́, и созда́шася. Поста́ви я́ в век и в век ве́ка, повеле́ние положи́, и не мимо́ идет. Хвалите́ Го́спода от земли́, змие́ве и вся бѣздны: огонь, град, снег, го́лоть, дух бу́рен, творя́щая сло́во Его́, го́ры и вси хо́лми, древа́ плодоно́сна и вси ке́дри, зве́рие и вси скóти, га́ди и пты́цы перна́ты. Ца́рие зѣмстии и вси лю́дие, кня́зи и вси судий зѣмстии, ю́ноши и дѣвы, ста́рцы с ю́нотами да восхва́лят и́мя Господне, я́ко вознесѣ́ся и́мя Того́ Еди́наго, исповѣ́дание Его́ на земли́ и на небеса́х. И вознесѣ́т рог люде́й Свои́х, песнь всем преподо́бным Его́, сыновóм Изра́илевым, лю́дем, приближа́ющимся Ему́.

Воспойте Господеви песнь нову, хваление Его в церкви преподобных. Да возвеселится Израиль о сотворшем Его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остри в руках их: сотворити отмщение во языцех, обличения в людех, связати цари их путы, и славныя их ручными оковы железными,

**Стихиры на хвалитех, глас 5:**

Сотворити в них суд написан. / Слава сия будет всем преподобным Его.

Го́споди, запеча́тану грóбу от беззакóнников,/ прошѣ́л еси́ из грóба,/ я́коже роди́лся еси́ от Богороди́цы:/ не уразумѣ́ша, ка́ко воплоти́лся еси́, безплóтнии Твои́ а́нгели:/ не чу́вствоваша, когда́ воскре́сл еси́, стрегу́щии Тя во́ини./ Обо́я бо запечатлѣ́стася

**испытующим,/ яв́шася же чудеса́ клáняющимся véрою та́инству:/  
э́же воспева́ющим,// возда́ждь нам ра́дость и véлию мýлость.**

**Хвалíte Бóга во святых́ Егó,/ хвалíte Егó в утвер́жении síлы Егó.**

**Гóсподи, вере́й véчныя сокруши́в,/ и úзы растерза́в, от грóба  
воскрéсл ес́и,/ оста́вь Твоя́ погребáльная,/ во свидéтельство  
йстиннаго триднёвнаго Твоегó погребéния:/ и предвари́л ес́и в  
Галиле́и, в пещéре стрего́мый./ Véлия Твоя́ мýлость, Непостиж́име  
Спа́се,// помýлуй и спас́и нас.**

**Хвалíte Егó на síлах Егó,/ хвалíte Егó по мнóжеству вели́чества Егó.**

**Гóсподи, жены́ текóша на гроб,/ в́идети Тя, Христá, нас ра́ди  
пострада́вшего,/ и пришéдша, обрето́ша а́нгела на ка́мени сидя́ща,  
стра́хом отвáльшемся,/ и к ним возоп́и, глаго́ля:/ воскрéсе Господь,  
рцы́те ученико́м,/ я́ко воскрéсе от ме́ртвых,// спаса́яй дýши на́ша.**

**Хвалíte Егó во гла́се тру́бнем,/ хвалíte Егó во псалты́ри и гýслех.**

**Гóсподи, я́коже изше́л ес́и от запеча́таннаго грóба,/ та́ко вшел ес́и и  
двéрем за́ключены́м ко ученико́м Твои́м,/ показу́я им телéсная  
страда́ния,/ я́же подъя́л ес́и, Спа́се Долготерпели́вый:/ я́ко от се́мене  
Дави́дова я́звы претерпéл ес́и,/ я́ко Сын же Бóжий, мир свободи́л ес́и./  
Вéлия Твоя́ мýлость, Непостиж́име Спа́се,// помýлуй и спас́и нас.**

**Стихиры святых́, глас 4, подобен: «Я́ко до́бля...»:**

**Хвалíte Егó в тимпа́не и ли́це,/ хвалíte Егó во стру́нах и орга́не.**

**Киры́лле и Мефóдие Богомýдрии,/ апо́стольским стопа́м  
последу́юще,/ ко взыска́нию люде́й заблýждших единомýдренно  
подви́гшеся,/ я́ко орли́ скоропаря́щии, страны́ словéнския облетéли  
естé,/ я́же свéтом богопозна́ния озари́вше,/ приве́дóсте ко Иису́су  
Человеколю́бцу// и Спа́су душ на́ших.**

**Хвалíte Егó в кимва́лех доброгласных, хвалíte Егó в кимва́лех  
восклица́ния./ Вся́кое дыха́ние да хва́лит Гóспода.**

**Виногра́да Христо́ва де́лателие,/ благоче́стия насади́тели,/ лю́ди  
словéнския, я́ко дра́хму поги́бшую,/ со тща́нием взыска́вшее обрели́  
естé, Богоно́снии отцы́,/ ю́же в сокрови́щницу жи́зни véчныя прия́т,  
ра́дуяся, со А́нгелы Иису́с Человеколю́бец,// и Спас душ на́ших.**

**Свяще́нницы Твои́ облеку́тся в пра́вду, / и преподо́бнии Твои́  
возра́дуются.**

**Святых́ Трóицы побóрницы/ и заблýждших наста́вницы,/  
злохуле́ние ага́рянское препре́вшии/ и нече́стие иуде́йское**

**посрамившии,/ Цёрковь, юже стяжали естé/ богоугóдными труды и пóты вашими,/ сохраните потщитесь от навéтов вражиих невреждéну/ и благоприятну Исúсу Человеколóбцу// и Спáсу душ нáших.**

**Глас 6:**

**Уста́ прáведнаго поучáтся премúдрости, / и язýк его́ возглаго́лет суд.**

**Просветíteлей нáших благочéстно пáмять совершáюще,/ лю́дие, благодарственно возопи́м:/ рáдуйтесь, светíльницы пресвётлии,/ свéтом Богопознáния страны́ словéнския озарившии,/ рáдуйтесь, пáстырие дóбрии,/ словéсныя óвцы, в дéбрех неvéрия разсéянные,/ во едíно собрáвшии/ и к Пастыреначáльнику Христу́ привéдшии.// Егóже величáюще, вас ублажа́ем.**

**Стихира Триоди (о слепом), глас 8:**

**Слáва Отцú и Сы́ну и Святóму Дúху.**

**Кто возглаго́лет сýлы Тво́я, Христе́;/ или́ кто изочтёт чудéс Твои́х мнóжества?/ Сугúб бо я́ко вíден был есý на земл́и за блáгость,/ сугúбы и цельбы́ недúгующим подава́л есý:/ не тóчию бо телéсныя óчи отвёрзл есý,/ и́же от утрóбы слепóму,/ но и душéвныя./ Тёмже Бóга Тя исповéдаше таящагося,// и всем подаю́ща вéлию мýлость.**

**Глас 2:**

**И ныне и присно и во веки веков. Аминь.**

**Преблагословéнна есý, Богорóдице Дéво,/ Воплóщшим бо ся из Тебé ад плен́ся,/ Ада́м воззва́ся,/ кля́тва потреб́ся,/ Ё́ва свобод́ся,/ смёрть умертв́ся, и мы ож́ихом./ Тем воспева́юще вопи́ем:/ благословéн Христо́с Бог,// благоволи́вши та́ко, слáва Тебé.**

**Слáва Тебé, показáвшему нам свет.**

**ВЕЛИКОЕ СЛАВОСЛОВИЕ**

**Слáва в в́шних Бóгу, и на земл́и мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарíм Тя вели́кия ра́ди славы Твое́я. Го́споди, Царю́ Небéсный, Боже, Óтче Вседержíteлю, Го́споди Сы́не Единорóдный, Исúсе Христе́, и Святýй Дúше. Го́споди Бóже, А́гнче Бóжий, Сы́не Отéчь, взéмляй грех мýра, помýлуй нас. Взéмляй грехи́ мýра, приими́ моли́тву нáшу. Седя́й одесну́ю Отца́, помýлуй нас. Я́ко Ты есý Едýн Свят; Ты есý Едýн Го́сподь, Исúс Христо́с, в сла́ву Бóга Отца́, аминь.**

На всяк день благословлю́ Тя и восхвалю́ имя Твое́ во ве́ки, и в век ве́ка. Сподóби, Го́споди, в день сей без греха́ сохранитися нам. Благословен еси́, Го́споди Бо́же отец на́ших, и хва́льно и просла́влено имя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

Благословен еси́, Го́споди, научи́ мя оправда́нием Твоим. **Трижды.**

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живото́а, во све́те Твоём у́зрим свет. Проба́ви ми́лость Твою́ ве́дущим Тя.

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды.

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в. Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

### **Тропа́рь воскресе́ный:**

Днесь спасе́ние ми́ру бысть,/ поём Воскресе́шему из грóба,/ и Нача́льнику жи́зни на́шея:/ разруши́в бо сме́ртию сме́рть, // побе́ду даде́ нам и ве́лию ми́лость.

### **ЗАВЕРШЕНИЕ УТРЕНИ**

Го́споди, поми́луй. **40.**

Сла́ва, и ны́не:

Го́споди, поми́луй. **12.**

Сла́ва, и ны́не:

Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Сла́ва, и ны́не: Го́споди, поми́луй. **Трижды. Благослови́.**

### **Отпу́ст**

Воскреси́й из ме́ртвых, Христé, и́стинный Бо́же наш, моли́твами Пречи́стыя Твоея́ Ма́тере, святы́х сла́вных и всехва́льных Апóстол, святы́х

равноапостолов Мефодия и Кирилла, учителей Словенских, святых и праведных богоотцев Иоакима и Анны, и всех святых, помилуй и спаси нас, яко Благ и Человеколюбец.

**Христос воскрес из мертвых, смертью смерть поправ и сущим во гробех живот даровав. Трижды.**

**И нам дарова живот вечный, поклоняемся Его тридневному Воскресению.**

Великаго господина и отца нашего Кирилла, Святейшаго Патриарха Московскаго и всея Руси, и господина нашего высокопреосвященнейшаго **имярек**, митрополита [**или:** архиепископа; **или:** преосвященнейшаго **имярек**, епископа] [**егоже есть область**], настоятеля, братию и прихожан святаго храма нашего, домочадцы наша и вся православныя христианы, Господи, сохрани их на многая лета.

**Стихира евангельская, глас 8:**

**Слава, и ныне:**

Мариины слезы не все проливаются тепле, / се бо сподобися и учащих Ангелов, / и видения Самого Иисуса. / Но еще земная мудрствует, яко жена немощная: / темже и отсылается не прикасаться Христу. / Но обаче проповедница посылается Твоим учеником, / имже благовествование носящи, / еже ко Отческому жребию восход возвещающи. // С неюже сподоби и нас явления Твоего, Владыко Господи.

## **ПЕРВЫЙ ЧАС**

**Христос воскрес из мертвых, смертью смерть поправ и сущим во гробех живот даровав. Трижды.**

**Псалом 5**

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитя к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льстаху. Суди им, Боже, да отпадут от мыслей своих, по множеству нечестия их

изры́ни я́, я́ко преогорчы́ша Тя, Го́споди. И да возвеселя́тся вси упова́ющи на Тя, во век возра́дуются, и вселы́шися в них, и похва́лятся о Тебе́ лю́бящии я́мя Твое́. Я́ко Ты благослови́ши пра́ведника, Го́споди: я́ко ору́жием благоволе́ния венча́л еси́ нас.

### Псалом 89

Го́споди, прибе́жище был еси́ нам в род и род. Пре́жде да́же гора́м не бы́ти и создáтися земли́ и вселённей, и от ве́ка и до ве́ка Ты еси́. Не отврати́ челове́ка во смире́ние, и рекл еси́: обрати́тесь, сы́нове челове́честии. Я́ко ты́сяща лет пред очы́ма Твои́ма, Го́споди, я́ко день вчерáшний, я́же мимо́иде, и стра́жа но́щная. Уничже́ния их ле́та бу́дут. Утро я́ко трава́ мимо́идет, утро процветёт и прейдет: на ве́чер отпаде́т ожесте́ет и изсхнет. Я́ко исче́зохом гне́вом Твои́м, и я́ростию Твое́ю смуты́хомся. Положи́л еси́ беззакóния на́ша пред Тобо́ю: век наш в просвеще́ние лица́ Твоего́. Я́ко вси днёе на́ши оскуде́ша, и гне́вом Твои́м исче́зохом, ле́та на́ша я́ко паучы́на поуча́хуся. Днёе лет на́ших, в ны́хже се́дмьдесят лет, а́ще же в сы́лах, о́смы́десят лет, и мно́жае их труд и боле́знь: я́ко при́иде кро́тость на ны, и нака́жемся. Кто весть держа́ву гне́ва Твоего́, и от стра́ха Твоего́, я́рость Твою́ исче́сти? Десни́цу Твою́ та́ко скажи́ ми, и оковáнный се́рдцем в му́дрости. Обрати́ся, Го́споди, доко́ле? И умоле́н бу́ди на рабы́ Твоя́. Испóлнихомся за́втра ми́лости Твоея́, Го́споди, и возра́довахомся, и возвесели́хомся, во вся дни на́ша возвесели́хомся, за дни в ны́хже смири́л ны еси́, ле́та в ны́хже ви́дехом злая́. И при́зри на рабы́ Твоя́, и на дела́ Твоя́, и наста́ви сы́ны их. И бу́ди све́тлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

### Псалом 100

Ми́лость и суд воспою́ Тебе́, Го́споди. Пою́ и разуме́ю в пу́ти непорóчне, когда́ при́идеши ко мне? Прехождáх в незло́бии се́рдца моего́ посреде́ до́му моего́. Не предлага́х пред очы́ма мойма́ вещь законопресту́пную: творя́щья преступле́ние возненави́дех. Не прильпе́ мне се́рдце стропты́во, уклоня́ющагося от мене́ лука́ваго не позна́х. Оклеветáющаго тай́ искренняго своего́, сегó изгоня́х: го́рдый о́ком, и несы́тым се́рдцем, с сим не я́дях. Очи́ мой на ве́рныя земли́, посажда́ти я́ со мно́ю: ходя́й по пу́ти непорóчну, сей ми служа́ше. Не живя́ше посреде́ до́му моего́ творя́й горды́ню, глаго́ляй непра́ведная, не исправля́ше пред очы́ма мойма́. Во у́трия избивáх вся грéшныя земли́, е́же потребы́ти от гра́да Госпо́дня вся де́лающья беззакóние.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. **Трижды.**

**Гóсподи, помíлуй. Трижды.**

**ТРОПАРЬ ВОСКРЕСНЫЙ, ГЛАС 5:**

Собезначáльное Сло́во Отцу́ и Ду́хови,/ от Дéвы рóждшееся на Спасéние наше,/ воспóйм, вéрнии, и поклонíмся;/ я́ко благоволи́ Плóтию взы́ти на Крест,/ и смерть претерпéти,/ и воскресíти умéршия// слáвным воскресéнием Своём.

**Слáва:**

**Тропарь святых, глас 4:**

Я́ко апóстолом единонрáвнии/ и словéнских стран учíтелие,/ Киры́лле и Мефóдие Богомúдрии,/ Влады́ку всех молíte,/ вся язы́ки словéнския утвердíti в Правослáвии и единомы́слии,/ умирíti мир/ и спастí ду́ши нáша.

**И ны́не:**

**Богорóдичен:**

Что Тя наречём, о Благодáтная? Не́бо, я́ко возсия́ла еси́ Сóлнце Прáвды. Рай, я́ко прозяблá еси́ цвет нетлéния. Дéву, я́ко пребылá еси́ нетлénна. Чíстую Мáтерь, я́ко имéла еси́ на святых Тво́их объ́ятиях Сы́на, всех Бóга. Того́ моли́ спастíся душáм нáшим.

**Та́же:**

Стопы́ моя напра́ви по словеси́ Твоему́ и да не облада́ет мно́ю всякое беззакóние. Избáви мя от клеветы́ челове́ческаия, и сохрани́ заповеди Твоя́. Лице́ Твое́ просвети́ на раба́ Твоего́ и на́учи мя оправдáнием Твоём.

Да исполняются уста́ моя хвалéния Твоего́, Гóсподи, я́ко да воспóю сла́ву Твою́, весь день великолéпие Твое́.

Святый́ Бóже, Святый́ Крéпкий, Святый́ Безсмéртный, помíлуй нас. **Трижды.**

Слáва Отцу́ и Сы́ну и Свято́му Ду́ху, и ны́не и прýсно и во вéки веко́в. **Ами́нь.**

Пресвятáя Трóице, помíлуй нас; Гóсподи, очисти́ грехи́ нáша; Влады́ко, прости́ беззакóния нáша; Святый́, посети́ и исцели́ нéмощи нáша, и́мене Твоего́ ра́ди.

Гóсподи, помíлуй. **Трижды. Слáва, и ны́не:**

Отче наш, Ёже еси́ на Небесéх, да святит́ся ймя Твое́, да приидет Цáрствие Твое́, да б́удет во́ля Твоя́, я́ко на Небеси́ и на земл́и. Хлеб наш насущный да́ждь нам днесь; и оста́ви нам до́лги на́ша, я́коже и мы оставя́ем должникóм на́шим; и не введи́ нас во искуше́ние, но избáви нас от лука́ваго.

[Я́ко Твое́ есть Цáрство и си́ла и сла́ва во ве́ки. Ами́нь. (Мф. 6: 9-13)]

**Кондак Триоди (о слепóm), глас 4:**

Душе́вныма оч́има ослепле́н,/ к Тебе́, Христé, прихожду́,/ я́коже слепы́й от рождéния,/ пока́нием зову́ Ти:// Ты су́щих во тьме Свет пресвётлый.

**Гóсподи, помíлуй. 40.**

Ёже на всякое вре́мя и на всякий час, на Небеси́ и на земл́и, покланя́емый и сла́вимый, Христé Бóже, Долготерпели́ве, Многоми́лостиве, Многоблагоутрóбне, Ёже пра́ведныя любя́й и грéшныя ми́луяй, Ёже вся зовы́й ко спасéнию обеща́ния ра́ди б́удущих благ. Сам, Гóсподи, приими́ и на́ша в час сей моли́твы и испра́ви живóт наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и избáви нас от всякия скóрби, зол и болéзней, огради́ нас святы́ми Твои́ми А́нгелы, да ополче́нием их соблюда́еми и наставля́еми, досты́гнем в соединéние ве́ры и в ра́зум непристу́пныя Твоея́ сла́вы, я́ко благословéн еси́ во ве́ки веко́в, ами́нь.

Честне́йшую Херув́им и сла́внейшую без сравне́ния Сераф́им, без ислéния Бóга Сло́ва ро́ждшую, су́щую Богороди́цу, Тя велича́ем.

Моли́твами святы́х оте́ц на́ших, Гóсподи Иисúсе Христé, Бóже наш, помíлуй нас.

**И молитву часа:**

Христé, Све́те Ёстинный, просвещáяй и освящáяй всякаго челове́ка, грядúщаго в ми́р, да зна́менается на нас свет лица́ Твоего́, да в нем у́зрим Свет Непристу́пный: и испра́ви стопы́ на́ша к де́ланию за́поведей Твои́х, моли́твами Пречи́стыя Твоея́ Ма́тере, и всех Твои́х святы́х, ами́нь.

**Конда́к Па́схи, глас 8:**

А́ще и во гроб снизше́л еси́, Безсме́ртне,/ но а́дову разруши́л еси́ си́лу/ и воскрéсл еси́, я́ко Победите́ль, Христé Бóже,/ жена́м миронóсицам вещáвый: ра́дуйтесь!/ И Твои́м апóстолом мир да́руяй,// па́дшим пода́й воскресе́ние.

Сла́ва, и ны́не:

**Гóсподи помíлуй. Трижды.**

**Воскресíй из мёртвых, Христé, йстинный Бóже наш, моли́твами Пречíстыя Твоея́ Мáтере, преподóбных и богоно́сных оте́ц на́ших и всех святы́х, помíлуй и спасí нас, я́ко Благ и Человеколю́бец. Амíнь.**

**КОНЕЦ И БОГУ СЛАВА.**